

Moya o Kenile

No fezwi Sikamañi?



Mwa bona, Muzwale Neville ulumela mwa kubeya mazoho.

Ni bona kuli Ni na ni lipuzo nyana. Cwale, Ni ka ikungela zona kamuso busihu, kakuli Hanina nako ya ku litalima kaufela busihu cwana, mwendi ka Liñusa la busihu bwa mafefezezo. Cwale, haiba kuna ni yana ni puzo kuama Liñusa lifi kaufela, mu litise fela busihu bulibuñwi, mi Ni ka li talimela ka busihu bo butatama.

² Cwale, kamuso busihu Ni ka tabela kufumana, kamba kuba, nitaluse, ni bakutazi babañwi, haiba ku konahala; haiba ha ku cwalo, baana babañwi babande, baba swanela kamba basali bo lukona kubiza ka nako ya kutokwa, kuli haiba kuna ni . . .

Kamuso busihu lwa kala, kasamulaho wa Liñusa, kubeya mazoho, mi, kwa Moya o Kenile. Mi cwale, kona kukaba ni . . . Muna ni lithonolo la mina la kuba mo haiba mutabela kueza cwalo, mwahala mazazi a pumulo kaufela, haiba si ka lwala nako yetelele cwalo ya kushwa. Mi cwale—cwale, haiba ha ku cwalo, haiba mu itakaleza kuya kwa mandu amina, kupalañi, luka taba haiba mukona kuba mwa sibaka koo muka . . . Ha mu zibi fela kwa kuya . . .

Lu bata kuba ni balisana babañwi, palo yabona, haiba ki bapoti; palo yabona, ko ina, ko lukona kuba fumana kapili; ni kuisa alimuñwi mwa ndu iliñwi, mi yomuñwi ku yeñwi, kuli bamife litaelo, mina mu ka bata mbuyoti tuna ye luambola ye, ya kolobezo ya Moya o Kenile.

³ Maabani busihu ne luambola zakuli, “Ki nto mañi.” *Moya o Kenile Neli Nto Mañi?* Mi ne lu fumani kuli Kinto ifi kaufela, yana lu sepisize Mulimu. Uh-huh. Ku Ona lwa fumana hande seo Keleke ya Mulimu neika tokwa. Ne lu Ufumani kuba liswayo, Mutiisapilu, pumulo, ni tabo, ni kozo, ni zuho. Ni kaufela zeo Mulimu na sepisize kwa Keleke ya Hae, li fumaneha mwahala Moya o Kenile.

⁴ Mi cwale, busihu boo, lu bata kukutaza kaza, kamba kuambola kaza, kuluta kaza . . . Nina ni mapampili amalalu kamba amane a zeni ñozi fa, kamba Mañolo, ka Ona, ku zeo . . . Maabani busihu Ne ni siile buka yaka ya Cruden’s Concordance faa, mi ne Ni si ka ilwala. Mi Ni ezize fela katata luli mo Ni konezi kacenu ka Mañolo. Cwale, ni kamuso . . . Busihu bo lu luta kaza: *Neli Mulelo Mañi Mulimu Sana Lumezi Moya o Kenile?* Ki Wa sikamañi? Haiba Ki nto yetuna luli cwalo, konakuli kiñi Mulimu za na U lumezi?

⁵ Mi, kamuso busihu lubata kuambola kaza: *Kana Ki wa Hao?* mi *U Kona ku Umuhela Cwani?* hape *U Ziba Cwani Kuli U u Amuhezi?*

Mi cwale, ha se lufelile ni zeo, ni Mañolo, ku li tatulula ka Mañolo, kuitusisa Mañolo kwa lika kaufela, konakuli bona baba bata Moya o Kenile baka taha kwapili cwale. Mi cwale Ni sepa kuli ancafazo ikalile, kuzwa fani, ni kuli izwelepili ni Moya o Kenile.

⁶ Cwale, bakeñisa kuli kamuso busihu babañata bakona kuina fa nako nyana mwa libaka za mwa keleke, Ni ikutwa kuli kambe nelukaba ni bakutazi babañata ni sicaba se si cuukukile sani mwa mutusa batu kuamuhela Moya o Kenile, ku ba susueza, kuli baye kwa mandu ni mu—mu mufumahali ni muuna hae, kamba—kamba ni mutu yatokwa Moya o Kenile, ya ka bulelelwa hande mwa kuezeza.

Haiba muka fa fela nombolo yamina ya luwaile kamba keyala ku mulisana, busihu boo kamba kamuso busihu. Mu litambeke fela Muzwale Neville, kipeto zeo li ka lu fa nako ya kuba kopana hande mwa mukopano. Mu fe fela nombolo yamina ya luwaile ko lukona ku mi fumana. Mi cwale muli, “Ni kaba teni, mi haiba luna . . . mubata ku ni beya mwa ndu.” Haiba ki—ki musali fela anosi, kipeto lwakona kuluma musali, mwabona, ku musali yoo. Mi cwale, haiba ki mwa lapa mo ku nani muuna ni musala hae, kupalañi, lwakona kuluma mukutazi.

Mi lu ka tabela kuli mu utwane ni luna, kakuli Ni ziba kuli mu cwalo, mañi ni mañi, mwa tabela taba ye, yona ya butokwa luli. Mi muhupule, “Ya pilisa moyo wa hae kwa salaha, u kwahezi libi zeñata.” Mwabona? Mi Munyaliwa wa Kreste u lapile mi u nyolezwi. U mwa makateñi wa indukwa, kuli apepe bana ba Mulimu.

⁷ Mi cwale, busihu boo, lusika bala kale Mañolo, ha lu inamiseñi litho za luna fa nako nyana kwa tapelo. Mi lu si ka lapela fela kale, mina baba inamisize litho za mina, kana muna ni kupo? Amu nanule fela mazoho a mina muli, “Mulimu, Ni nanula mazoho aka ka tokomelo. Ni tokwile. Ni lapela kuli Uni tuse, O Mulena.” Mulimu ami fuyaule. Wa bona mazoho amina. Mangeloi aisize likupo za ona.

⁸ Mi, Ndate yakwa Lihalimu, taha cwale, lu atumela Wena hape mwa tapelo. Mane, hakuna kukakanya kuli tapelo se i filwe kale mwahala bana ba Mulimu busihu boo, mwa sibaka sesi likani see, ni kuli lipina se li opezwi, mi lu nanulezi lipilu zaluna mwa nyakalalo ya tabo kwa milumbeko ya Mulimu.

⁹ Davida na bulezi kuli uka taha mwa kopano ya baba kenile ni ku to zibahalisa likupo za hae. Mi busihu boo, kubile mazoho amañata. Mwendu, hakulata, Ni kona kubulela kuli, eite pesenti ya babainzi mwa muyaho wo busihu cwana bananuzi mazoho abona kwa likupo. Kubonisa, Mulena, kuli halukoni fela

kuzamaya kusina Wena. Lu swanela kuba ni Wena, zazi ni zazi. Ki wena Bupilo bwaluna, tabo, buiketo bwaluna, mata aluna a lukonisa, buino bwaluna, kutiya kwaluna, tebe yaluna kwa sila.

Mi fela halukoni kulwana ndwa ya bupilo ye kusina Wena. Ikona kuba tata luli kuli lueze cwalo, mi luswanela kuitingeta ku Wena ka kufebelelela. Kakuli, lu ziba kuli lu zamaya mwa naha ye unsufezi mi yesabisa. Kwa maneku kaufela koo sila alu kataza, ka kufa malaba ni liteo. Linzila zaluna, Mulena, litezi fela malaba a sila, kuli alu filikanye.

¹⁰ Mi luna, hape, lwa ziba, kwa mafelelezo a musipili o mutelele cwalo, musindi otezi miluti o bizwa lifu fa kuzamaya mwateni. O Mulena, ki mañi yakona kuswala mazoho aluna he? Lu taba ku ziba Wena cwale, Mulena. Lu bata kuziba kuli ki Wena ya sweli mazoho aluna, mi luna lusweli lizoho la Hao, kuli lukone kuba ni sepo ye tiile yeo kuli ha lu taha kwa nako ya mafelelezo yetuna ya bupilo bwaluna, bobu kena mwa munyako wani o bizwa lifu, kuli lukone kubulela ni balumeli bakale kuli, “Ni Mu ziba mwa mata a zuho ya Hae, mi Ni ziba kuli Ha ta biza, Ni ka zwa mwahala baba shwile.”

¹¹ Cwale, Mulimu Ndate, lu lapela kuli U fuyaule likupo zaluna ni kukopana kwa luna. Fuyola Manzwi a Hao. Mi haiba Ni lukela kubulela taba yekona kufosahala kwa Linzwi la Hao kamba tato ya Hao, Wena u sa na ni mata a kukwala mulomo waka, sina mo No ezelize mwa musima wa litau fani Daniele asa pila. Mi lwa lapela, Mulena, kuli U kwalule lizebe ni lipilu busihu boo, kuli, mi ubupe ku zona tala ni linyolwa. Ha babe ni tala hahulu kuli mane bapalelwe kulobala ni kupumula, kutokwe, konji Mutiisapilu ha sa tile.

¹² Lu lumela kuli lupila mwa mazazi a maungulo, mwa muluti wa Kutaha kwa Hae. Mi koo kona ko atalimezi Mañusa aa, Mulena. Ki kuli sicaba si utwisize, singe temuso. Mi cwale, busihu boo, lusweli fela kukwankumuka kwateni makapi, ona fa cwale, ku abeya kwa tuko a sipula, kuli, “Mulena Mulimu, Na ni sibyana sa Hao. Lumeleza Moya wa Hao u bube ku na. Ni bupe ni ku ni eza ka tato ya Hao. Ni ka neela pilu yaka, mata aka, zaka kamukana, kwa sebelezo ya Hao.”

¹³ Lu utwe, Mulena. Ha lu yo mo kuli luboniwe, ka busihu bwa pula boo. Haluyo mo bakeñisa kuli haluna sibaka kwa ku ya. Luteni mo ka mulelo ulimuñwi, o ipitezi, mulelo okenile mwa lipilu zaluna, wani ki wa kuli, lusutelele bukaufi ni Wena, ka kuziba kuli U sepisize kuli ha lu sutelele bukaufi ni Wena, Uka sutelele bukaufi ni luna. Mi kona se lubezi teni moo. Ya taha inze a lapile haana kukuta a lapile. “Mbuyoti ki ya baba na ni tala ni linyolwa la kuluka,” kwabulela Jesu, “kakuli ba ka kuliswa.” Mi haiba lu kupa sinkwa, haluna ku amuhela licwe. Luna ni sepiyo ye cwalo yeo. Mi ha lu kupa tapi, haluna ku amuhela noha. Kono, Mulimu Ndata luna uka lu fepa ka Manna ya Lihalimu, Linzwi

la Hae ni Moya wa Hae za pakelana ni Yena. Alaba litapelo zalua, Mulena, ni likupo zaluna, halunze lu libelela ku Wena. Ka Libizo la Jesu Kreste lwa lapela. Amen.

¹⁴ Cwale, mina babasweli kuñola Mañolo, haiba mukona kuapula hamoho nina ku Muñoli Joani hape, kauhanyo ya 14. Lu bata kukalela mwa kauhanyo ya 14 ya Muñoli Joani. Mi ha lu kaleleñi fa timana ya 14, Muñoli Joani 14:14, ni kubala fela siemba sa Liñolo lee. Cwale, ku se muka fumana buñata bwa zeliteñi ze Ni bata kubulela kazona busihu boo.

¹⁵ Mi muhupule, mina babana ni Libibele za litaku zefubelu, liñozwi mwa bufubelu, litaba zee. Ki Manzwi ana bulezi Jesu Kasibili, kacwalo he lukona kuina ka sepo kuli likaba fela sina Mwa bulelezi. “Lihalimu ni lifasi li ka fela, kono Manzwi a Hae haana kufela.”

Cwale lu ka bala mwa timana ya 14 ya kauhanyo ya 14.

Ha mu kupa sesiñwi ka libizo laka, Ni ka si eza.

Ha ki sepiso ni yeo!

Ha mu ni lata, mu ka mamela litaelo za ka.

Mi Na ni ka lapela Ndate, mi uka mifa Mutiisapilu yomuñwi, kuli aine ni mina kamita;

Ona Moya wa niti; o lifasi li a koni ku u amuhela, kakuli ha li u boni, . . .

Cwale, mina babaka bala mwa Bibele ya Sigerike, muka libona fa, isiñi. . . *Mwabona* foo italusa “ku utwisisa.” “Kakuli lifasi ha li Mu utwisisi.” Yeo ki niti luli. Ha luboneñi ni bale hape cwale.

Ona Moya wa niti; mane wa . . . niti; o lifasi lisakoni ku uamuhela, kakuli ha li uboni, neba ku uziba: kono mina mwa u ziba; (Kimañi? Ki Mutiisapilu.) kakuli u ina ni mina cwale (tensi yacwale), . . . u ina ni mina, mi ukaba ku mina.

Ki nto Mañi yeo? Ki Mutiisapilu yaswana.

Hanina ku mi siya sina lindiyala: Ni. . .

Mañi ni mañi uziba kuli “Na” ki tulokandina twa mutu.

. . . Ni ka taha ku mina.

Ku sa na ni nako nyana, mi lifasi halina ku ni bona; kono mina mu ka . . . kono mu ka ni bona: kakuli na Na pila, ni mina mu ka pila.

Ka lona lizazi leo mu ka ziba kuli Ni inzi ku Ndate, ni mina muinzi ku na, ni na ni ku mina.

Yeo kona yekaba mihupulo yaka yemituna, kono lu ka bala fapata nyana. Ha luboneñi ni bale yeo hape cwale, hape.

Ka lona lizazi leo (ki lizazi lelituna, lizazi la katulo), lona lizazi leo mu ka ziba kuli Ni inzi ku Ndate, ni mina muizi ku na, ni Na ku mina.

Ya utwa litaelo, mi a limamela, ki yena ya ni lata: mi ya ni lata u ka latwa ki Ndate, ni na Ni ka mu lata, ni iponahaze ku yena.

Judasi ali ku yena, isi Isikariota, Mulena, ku taha cwani kuli u ka iponahaza ku luna, mi isi kwa lifasi?

Yeo ki, *kosmos*, ki “muezezo wa lifasi.” Haiba muna ni miñolo mwa matuko, mu ka lemuha zeo. Yaka ki taku ya “g,” mi ibulela fa kuli, “*kosmos*, kamba muezezo wa lifasi.” Zeo ki likeleke, ni zeñwi cwalo, mwabona.

. . . ku taha cwani kuli uka iponahaza ku luna, mi isi ku bona? Kana U kona cwani kueza cwalo?

Jesu ali ku yena, Mutu ha ni lata, u ka mamela linzwi laka: (amen) mi Ndate u ka mulata, mi lu ka ta ku yena, lu to yaha ku yena.

Ya sa ni lati ha mameli manzwi aka: . . .

Wakona ku buluka litaelo za keleke; kono kubuluka manzwi a Hae, mwa bona.

. . . mi linzwi le mu utwa ha si laka, kono ki la Ndate ya ni lumile.

Litaba ze Ni mi bulelezi zeo, ha Ni sa inzi ni mina.

Kono Mutiisapilu, ona Moya o Kenile, o Ndate aka luna ka libizo laka, ki ona oka miluta litaba kaufela, u mi hupulise litaba kaufela zeo (ao, ki Manzwi a Hae) ku mina, ze Ni mi bulelezi kaufela.

Ki mulelo mañi o Mulimu na lumezi Moya o Kenile kanti? Mi Aekeze limbuyoti za Hae kwa Linzwi la Hae.

¹⁶ Jesu naize, kuli, “Ka lizazi lani mu ka ziba kuli Ni inzi ku Ndate, mi ni Ndate uinzi ku Na; mi muka . . . Ni inzi ni mina, ni mina muinzi ku Na.” Cwale, haiba ne lu ka bulela taba yee . . .

¹⁷ Cwale, muhupule, ye i ka beiwa fa tepu.

Muuna wa pisinisi ya Mukreste, yazwa kwa Louisville, na ni lizelize nako nyana yefitile. Mi ki hali, “Ki maswabisa, Billy, kuli Mañusa aa, inge mo no bulezi maabani busihu, hakubangi babañata mo kueza likiti ze mashumi kufita kuli babe mwanda ni mashumi a ketalizoho, kamba mianda yemibeli, batu babakuma fa mianda yemilalu kwa tabernakele ya hao.”

¹⁸ Na li, “Muñaka, ka likweli ze silezi kuzwa kacenu, haiba Jesu aliyeha, lifasi kaufela li ka utwa taba yee.” Mwabona?

Matepu ao aya kwa lifasi kaufela, mwabona, lifasi kaufela. Mi, kabakaleo, lusweli kuluta fa cwale ze lu lumela kuba Niti, ni se lu fumani kuli Mulimu u si pakile ku luna kuba Niti.

¹⁹ Cwale, mulelo, kana neli—kana neli mulelo mañi Mulimu wa na lumezi Moya o Kenile? Cwale, Ne ni ka i ñola, Joani 14, kukalela fa timana ya14, ni kubala kushetumuka cwalo mwa kauhanyo kaufela, kuba makalelo. Mulelo wa Mulimu, lu fumana cwana fa, ka kuluma Moya wa Hae, neli mulelo ulimuñwi, kuli yena Mulimu Kasibili aine mwa Keleke ya Hae ni kuzwelapili milelo ya Hae mwa Keleke.

Kuli, Mulimu nali ku Kreste, inza zwelapili ni milelo ya Hae ku Kreste; kuzwa ku Kreste, kutaha mwa Keleke, kuzwelapili musebezi wa Hae mwahala Keleke.

²⁰ Cwale, lu ziba seo Moya o Kenile uli sona. Ne lu fumani cwalo, maabani busihu, kuli Ki Mulimu.

Cwale, ha lu nahana ka Mulimu, yena Ndate, sina Jesu ha na bulezi fa, Kaza Ndatahe; Mulimu, ni Mwana sina Jesu; Mulimu, Moya o Kenile, sina mo lu U bizeza kacenu, cwale, seo ha si talusi kuli kuna ni batu babalalu, Balimu ba bashutani. Ku talusa kuli kuna ni Mulimu alimuñwi mwa liofisi zetalu.

Ha lu buleleñi sina cwana. Kaufela zanali zona Mulimu, Na li sululezi ku Kreste, kakuli Na i tobohile ni kuba mukungulu Yena Kasibili mi a U sululela ku Kreste. “Mi Kreste nali yena mutalelela wa Bumulimu ka mubili.” Kaufela zanali zona Jehova, Na li sululezi ku Kreste.

Mi kaufela zanali zona Kreste u lisululezi mwa Keleke; isiñi mwa mubili wa mutu alimuñwi, kono ki mwa Mubili kakutala kwaona. Kifoo, halu buleleñi hamoho mwa buñwi, luna ni Mata. Kaufela zanali zona Mulimu, nelili ku Kreste; mi kaufela zeneli ku Kreste, liteni ku mina.

“Kakuli Mulimu na ezizwe nama, mi ato yaha ku luna.” Tomotea Wapili 3:16, haiba musweli mwa ñola, “Kusina likañi kunutu ya bulapeli ki yetuna: kakuli Mulimu na bonahalezi mwa nama, mi lwa Mu swala. Mulimu, Jehova, aeziwa nama, mi azamaya mwa lifasi, mi lwa Mu bona ka meto a luna.”

²¹ Mwa ziba, mwa kauhanyo yeswana, ya Joani 14, Filipi ali, “Mulena, ulu bonise Ndate, mi ku luna ku ka likana.”

²² Jesu naize, “Ni bile nako yetelele ni mina, Filipi, mi ha u si ka Ni ziba? Ha u Ni boni, u boni Ndate. Mi kiñi ha u Ni bulelela kuli, ‘U lu bonise Ndate?’” Mulimu na li mwa nama.

²³ Cwale ki foo cwale. Ndate neli Mulimu fahalimwa mina, lwa bulela. Lubile ni yena kuzwa ku Adama. Mulimu, yena Ndate, nali fahalimwa Mushe ni bana ba Isilaele, mwa Siita sa Mulilo. Mi, Mulimu yaina ni luna, ku Kreste; na zamaile ni luna, a ambola ni luna, aca ni luna, alobala ni luna. Mulimu fahalimu aluna; Mulimu ni luna; mi cwale Mulimu ku luna. Kaufela zanali zona Mulimu, za taha ku Kreste; kaufela zanali zona Kreste, za taha mwa Keleke.

Kinto mañi yeo? Ki Mulimu ya beleka ku wena. Neku lifi kaufela la lifasi koo Atabela ku kubizeza, ubeteni koo, ubeleka ku wena kuli ueze tato ya Hae yende. Luswanela kuitumela ku Mulimu ka zeo! Mulimu, ona Moya o Kenile, u lomezwi ka mulelo wa Mulimu yapila mwa Keleke ya Hae, kuzamaya mwahala lusika ni lusika, inza beleka ka tato ya Hae Yepahami.

²⁴ Mi mutu ha ku keshebisa, ha keshebisi wena, u keshebisa Yena ya ku lumile. Kacwalo Jesu naize, “Mbuyoti ki ya mina batu ha ba ka bulela zemaswe ka mina, ku mitameleza litaba, ka Libizo la Ka. Mbuyoti ki ya mina.” Mi, hape, “Kaufela baba pila ka bulapeli bobuliteni ku Kreste Jesu ba ka nyandiswa.”

Kakuli, Mulimu ha Na itibahaza ku Kreste, ba Mu toya. Ki mañi yana Mutoile hahulu, ni kufita? Neli keleke. Keleke ne i Mutoile, ni kufita. Ne ba Mu toile ni kufita neba—neba cakolwa. Ne ba Mu toile hahulu ni kufita batu babañwi kaufela. Ne li keleke yene Mu toile. Kacwalo, he, ha mubona *kosmos*, “Muezezo wa lifasi, lifasi ne li si ka Mu ziba,” kutalusa, “kuli keleke,” ka mo ibizezwa, “aba si ka Mu ziba. U tile ku ba Hae, mi ba Hae ha ba si ka Mu amuhela.”

“Kono baba Mu amuhezi kaufela, U ba file mata a kuba bana ba Mulimu, mane bona baba lumela Libizo la Hae.” Oh, mo luswanela ku Mu latela ni ku Mu lapela! Mulelo wa Mulimu, wa kubata kutaha mwa kutwano!

²⁵ Sina, lusika siya kale palo yeo, ha lu itusiseñi ye; mwa mazazi a Ruti, mwa mulaho wa puluso, nako yani Naomi ha zwa mwa naha, bakeñisa matata, linako zetata. Aya mwa naha ya Mamoabi, bene bali fela ba sihalihali, Bakreste babasina mayemo. Kakuli, Mamoabi neba zwa ku mwana musizana wa Lota, mi ne ba bizwa kuli balumeli ona cwalo, mi neba kopani kopani fela. Mi cwale muuna hae ashwa, ni bana ba hae bababeli babashimani ba shwa. Mi mwa musipili wa kuya kwa hae, Naomi. . . Ruti ni Naomi, fa musipili wa hae kuya kwa hae, yena. . . Alimuñwi wa makwenya hae babasali, Olipa, abulela kuli uka kutela kwa naha ya habo, kwa milimu ya habo, ni kwa keleke ya habo, ni kwa sicaba sa habo. Mi Naomi alika kunga Ruti kuli akute niyena, kono yena ali, “Sicaba sa hao ikaba sicaba saka. Mulimu wa hao ki Mulimu waka. Ko ka yo shwela, kona ko Ni ka yo shwela. Ko ka pumbekelwa, kona ko Ni ka pumbekelwa nina. Mi Hanina kukuta.”

²⁶ Foo kona mutu ha sa lemuhile pono. Ha si ezi shutano ni yekana ka se ne ba bulela batu babañwi kuli, “U ka yo ba mupikuluhi yakenile kwani kamba nto yeñwi.” Sani ne si sika eza shutano ni yenaka ku Ruti. Nekuna ni mulelo wa Mulimu kuli utalelezwe.

²⁷ Mi inge fela mo mubezi ni tala busihu boo ya Moya o Kenile, kuna ni sesiñwi ku wena, se si hoha, kuli mulelo wa Mulimu mwa bipilo bwa hao u talelezwe, inge fela mo ne kuinezi ku Ruti.

28 Likande ki lelinde! Ha ni koni fela ku li tuhela fa nako nyana. Mwa ziba mulao wa puluso, kuli fani Boazi...Mwa ziba likande Ruti mwa na bubulela mwa simu ni kufumana kushemubiwa ki Boazi. Mi a si ka mu nyala kale, nana ni ku liulula kaufela za na latehisize Naomi. Mi ki yena fela anosi yana kona kuliulula lifa la Naomi lene li sinyehile, mwa mulaho wa puluso, neli muliululi wa lubasi; nana ni kuba mutu wa lubasi asika liulula kale. Mi yani neli muhabo yena ya mu paka. Mi nana ni kubonisa sisupo patalaza, kwande a munyako, kamba pulelo yene bautwile kaufela kuli na sa liuluzi kale za na latehisize Naomi. Mi Boazi aeza cwalo ka kulaha likatulo la hae fapila babahulu, mi ali, “haiba kuna ni mutu fa yana ni sibyana sa Naomi, Na ka lizazi le ni si liuluzi.”

29 Mi cwale kona Mulimu mwa na ezelize, alatelela milao ya Hae Tota. Mulimu hakoni kulatelela, akufe mulao ulimuñwi wa ku latelela mi Yena alatelele usili. U latelelanga milao ya Hae Tota. Mi, Mulimu, kuli aliulule keleke ye latehile, lifasi le li latehile, pupo yelatehile; Mulimu, Yena yasina mafelelezo mwa Moya, kuli aliulule lusika lwa batu, Mulimu yena Kasibili na ti lo ba wa lubasi, aba Mutu, neli Mwana ya Na bupile mwa mba ya Maria. Mi cwale ki Ha aeza sisupo, kamba bupaki; kwande a minyako ya Jerusalema, Na pahekilwe mwahala lihalimu ni lifasi, mi ashwa, ni kuliulula lika kaufela. Mi ka kulota mali cwalo, Akenisa Keleke kuli Yena Kasibili a kone kupila mwateni, ni kuba ni kutwano ni bulikani, sibaka se si latehile sa kutwano kuzwa mwa simu ya Edeni koo Mulimu na tahanga manzibwana ni manzibwa, nako ya keleke.

Kana mu lemuhile? Mulimu na tulukanga ha se kufolile musihali, kulikela kwa lizazi. Kuna ni sesi ipitezi fela ha ibata kuba busihu, sicaba sinahana za keleke ni Mulimu; Bakreste. Mubona lizazi ha li likela, mu ka lemuha kuli lizazi la mina la likela.

30 Mi ha se kufolile manzibwana Na tahanga ku to ambola ni bona. Mi ona kwani A latehelwa ki kutwano yani, kakuli sibi ne si sa Mu lumelezi kueza cwalo.

Mi cwale Aezwa nama ni ayaha ku luna, ili kuli Akute hape ku mutu, ni kupila ku mutu, ni ku kutisa mutu kwa kutwano hamoho ni Yena hape, ni ku ufa liswanelo sa hae za Mulimu. Kona za Na ezize.

31 Wo kona musebezi wa Moya o Kenile. Ki Ndate, hape, ki Mulimu Ndate yapila ku wena, inza sebeza milelo ya Hae, kuli afeleleze mulelo wa Hae wa puuso; inza beleka ku wena, ku kueza mubeleki hamoho ni Yena; ukufa sibaka, ukufa siemba sa muzwale wa hae, ya wile kamba kezeli; ukufa Moya wa Hae ni lilato la Hae, kuli u yo zuma baba latehile, sina mwa Na ezelize mwa simu ya Hae. “Adama, Adama, u kai?” Seo kona sa ezanga

Moya o Kenile ku muuna kamba ku musali. Ha Lifita mwa lipilu zabona Li ka yaha, kuba ni linyolwa ni tala ya myoyo ye latehile.

Kona sesili butata ni mikopano ya kacenu. Hakuna Moya kabuñata mwatani kuli uswale zeo, wa kuya kulatelela myoyo ye latehile ni yeshwa. Zelitani fela ki za kupanga libizo, kamba keleke, kamba muyaho, kamba kopano, mwa sibaka sa tukiso ya kuwina mioyo. Ha ki makeke ni ao! Lwakona kuina nako yetelele foo.

Mulimu na ikenyize Iliyena ku Kreste. Kiniti.

³² Kreste na ikenyize Iliyena mwa Keleke. Kabakaleo, cwale amutalime, “Ka lizazi lani mu ka ziba kuli Ni inzi ku Ndate, ni mina muinzi ku Na, mi Na ni nzi ku mina. Ka lizazi lani mu ka ziba cwalo.” Kakuli, kikuli, taba yatani ki mulelo ulimuñwi wa tukuluho otaha fafasi, kuli Mulimu utaha hape ku to pila mwatani, mi aine ni ona, ni kuambola ni sicaba sa Hae, sina mwa Na ezelize kwa makalelo.

Cwale, he, Ha sa fita fela mwa Keleke ya Hae ka kubulela maikuto, utisa Keleke ya Hae mwa sibaka seo Akona kufita kusona hande, ni lilato, ni kususueza ni kukopana, kona ku kataha Edeni. Uka nga Keleke ya Hae akute ni Yona—Yona ko ne Imu siile, kukutela kwa Edeni hape, kwani ko ne I wezi. Ki, cwale. . . Kwani kona ko ne I kalezi lwapili, kamba kuwa. Kwani kona ko I ka kutisezwa, ka maikuto kaufela a kenile a puluso, kubatisa mwa sibaka sani hape.

³³ Keleke ibile mwa lifasi fa nako yetelele. Mi Keleke, luli, kuzwa kasamulaho wa Kuongaonga, kwa myaha ye myanda ye fifitini ya masika a lififi. . . Luther neli muongaongi wapili yanatile kasamulaho wa linako za baapositola. Mi cwale Luther ha sa tile, Mulimu anga kwa Moya olikani ni ku U sululela mwa Keleke, ka za kuluka. Mi cwale mwa mazazi a Wesley, A sulula ku za Hae hanyinyani hape, kutaha ku za kukeniswa. Mi sina lusika ha lu hulile, kutaha kwa nako ya maungulo, Mulimu ubile ataza Keleke ya Hae. Mutalime fela kwa ni kwa ni kufumana haiba yeo ki Niti, kamba nee.

³⁴ Mutalime fa lusika lwa ba Lutheran, mina baba balanga litaba za kale, mutalime fa ancafazo yabona ni kubona ze ne ba ezize. Mutalime butuna bwa ancafazo ya Wesley mo ne buinezi, buñata bwa mata o ne babile ni ona, kono inge bali mwa bunyinyani. Mutalime mwa mazazi a Pentekota, mufuta wa ancafazo o ne babile ni yona nako yani, ha ki butuna, ni boo mo ne iinezi.

³⁵ Hape, *Our Sunday Visitor*, mutende waba Katoliak, ubonisa kuli Mapentekota ne ba tizize batu babakuma fa faifi milioni faifi handeleti saunzande ka silimo silisiñwi baba bakile, bafitela kwahule likeleke zeñwi kaufela hamoho. Katolisa fela na cincize, a bulela kuli neli fela wani milioni. Mwa mutende

wabona luli wa *Sunday Visitor*, pampili yebizwa kuli *Sunday Visitor*, bafa ngambolo yakuli Mapentekota ne ba bafitile.

Mi, muhupule, petuho ya Mapentekota ki petuho ya kutala Moya o Kenile. Mwa bunyinyani, ka kukala, nebali mwa malibela a miyaho kwande kwani, ni—ni gita ya kale cwalo. Mi basali ne bakoni neba masokisi akutina. Inge ba lobezi fa lisipi za njanji, inge banopelela mbonyi ni ku i nata, ni kuezeza bana babona tunkwa. Kono ifitile fo kucwani? Kona keleke yetuna hahulu ku zeyemi mwa lifasi kacenu, isiñi mwa meto a lifasi, kono mwa meto a Mulimu, kakuli U li bonisa ka Za sweli ku ba ezeza. U sweli ku isululela Iliyena kubona, u Li sululela mwateni.

³⁶ Mulemuhe cwale sene singile sibaka, Mulimu na i kenyize Iliyena ku bona. Cwale Keleke ina ni kufita fa sibaka sesiñwi, kuzwa ku Luther, Wesley, ni ancafazo ikalisize kutaha kwa Pentekota; mi cwale kukena mwa lusika lo lutaha kulona lo cwale, ka Moya o Kenile oswana ka buñata fela bwa Ona. Cwale, ma Lutheran kwa mulaho kwani ha ba piliswa, ba fiwa kabelo ya Moya o Kenile. Fani ba Methodist ha ba keniswa, wani neli musebezi wa Moya o Kenile. Mwabona, neli kalulo ya Moya o Kenile. “Bona kusina luna ha ba si ka petahala,” ki sa bulezi Mañolo. Mwabona?

³⁷ Cwale, Mulimu, sina Liseli mo li kalezi kumonyeha mwa mazazi a likani afelile, U lu kulubela kuli, abe ni nto yetuna ku luna. Kakuli, “Ko kufilwe zeñata, kuba ni zeñata ze kulubelwa teñi.” Kacwalo U ka tokwa zeñata kuluna kufita za Na tokwile kwa ma Lutheran kamba ba Methodist, kakuli luna luzamaya mwa Liseli lelituna, ni Mata amatuna, ni zetuna. . . ni—ni bupaki bobutuna kufita bone bana ni bona. Cwale, luna ni bupaki bobutuna ka zuho. Luna ni lika zetuna zetiile hahulu, ka kutiya luli kufita zene babile ni zona.

³⁸ Kono kuswana fela sina ha ne Ni ambola kwa koleji ya ba Lutheran, haki kale hahulu.

Se babulela kuli, “Luna ni sikamañi?”

Se nili, “Mutu na cezi simu ya mbonyi. Matali apili amanyinyani ataha, mi ki hali, ‘Ni itumela ku Mulena ka—ka simela sa mbonyi!’ Ka manzwi fela, nana ni yona, kono nabile ni yona mwa mufuta wa makalelo. Kwaya kwaya, ya ba litaka.”

Mi ni sibunga sa tubula kuyona, yeneli ba Methodist.

³⁹ Haiba mu ka tokomela zebupilwe, mu ka bona Mulimu inza beleka. Kuna ni kunutu ye zamaelela mwateni yefumaneha mwa bulumiwa bwaka. Mwabona? Kuli, mutalime zebupilwe, mubone mo li ezahalela, lusika ni nako yateni, mwakona kubona fo mupilela. Mutalime lusika.

⁴⁰ Cwale, he, ba Methodists, nebali sibunga. Neba talima kwa mulaho kuba Lutheran, bali, “Luna ni kukeniswa; hamuna hakuna se munani ku Yona.”

Kwa nalule lule, kuzwa fa mununo wani, kuzwa kuba Methodist, kwa taha bubeke lwa . . . meto a mbonyi. Yani neli Pentekota.

Kifo he cwale, kuluka, kalulo yapili ya Yona. Kukeniswa, kalulo yeñwi ya Yona. Moya o Kenile, kalulo yeñwi ya Yona; Pentekota. Luther, Wesley, Pentekota.

⁴¹ Cwale Pentekota ieza sikamañi? Na i swanisisa, kakuli, mwa Pentekota, ya kutisa, isiñi litali la mubala omutala, isiñi sibunga, kono . . .

Mbonyi haikoni kubulelela sibunga kuli, “Ha nina tuso ni wena.” Kamba, sibunga hasikoni kubulelela li—li litali kuli, “Ha nina tuso ni wena,” kakuli bupilo bobuswana bo ne buli mwa litali kona bi bu ezizwe mwa sibunga. Bupilo bobuswana bo ne buinzi mwa sibunga kona bo buezize bubeke.

Mi neli keleke yaba Lutheran yene ezize keleke yaba Wesley. Neli keleke yaba Wesley yene ezize yaba Pentekota.

Kono, Pentekota, neli sikamañi? Ki kukutisezwa kwa peu yeswana yene keni mwa mubu kwa simuluhó, kutisa hape mutalelela wa Mata a Pentekota, ka kolobezo ya Moya o Kenile, mwabona, mwa mazazi a maungulo. Oh, ki nto yetuna, kotalima, kulumela ni kotalima fateni.

⁴² Cwale mwa lusika lo lupila kulona loo, lusika loo, lu fitelezi Pentekota.

Pentekota i ikenyize mwa likopano, ni kukala kufosa lika ka buhata ka za likopano, “Ki luna *sakuli*, mi ki luna sa sa *kuli*.” Yeo fela ki pupo. Hamukoni fela kuba ni mukwa usili. Ki pupo. Ba ka eza cwalo. Ki mulelo, wa bona kuli baeze cwalo.

Kono haili Keleke i se iile fahule. Ikeni mwa butuna, mwa mata amatuna luli. Ki ku kutizwa kwa limpo.

Mi batu babañata ba Pentekota ha ba lumeli mwa foliso ya Bumulumu, bulumiwa bwa Mangeloi, ni mata a Mulimu. Mapentekota babañata ba biza lipono ze Ni bonanga ze kuli, “ki diabulosi.” Likopano zeñata halina kuba za kueza ni Zona, mwa Pentekota. Mwabona, lu ile fahule kufitelela foo. Inge fela sina ba Methodist mo ne ba bizeza Mapentekota kuli, “likuba,” ka kubulelela mwa malimi. Inge fela ma Lutheran mo ne ba bizelize ma Methodist kuli, “likuba,” ka kuhuwa. Mwabona?

Kono kaufela zeo ki kutaha kwa Moya o Kenile, kufitela Keleke yetuna ha se italizwe cwalo, ni kutaza lilata, haleluya, [Muzwale Branham ungongota fa katala habeli—Mu.] kwa mata a Mulimu Yamata kaufela. Kufitela, se lifitile fa sibaka sa kuli kufitela misebezi yana ezize Jesu i bonahezi hande mwa Keleke cwale. Seluli fakaufi, balikani.

⁴³ Ha luboneñi niyemele fa, fa nako nyana, kuli lufite kuseo Mulimu nafezi Moya o Kenile mwa Keleke, ni mife mufuta

omuñwi kuli mu zibe. Kukuta wa Testamente ya Kale, hane nili—nili mwana. . .

Mutu na i pengezi ndu. A inyalela mufumahali wa hae, yeo kona taba yapili.

Mi ki ha ba muuna yomutuna, inge kopano cwalo. Yani neli yende.

Nto yetatama ye ne ezahalile, kwa taha kupepwa mwa lapa lani. Fani kona foo Moya o Kenile, mwabona, moya o muñwi wataha mwateni, yanali mwana. Mwana yani, na si ka ba kale mwa mata a zamaiso, mane na si ka fita fakuba muca sanda konji ha sa fitile fa siyemo sesiñwi. Mi nana ni ku nyakisiswa, pili. Eni.

Mi cwale nebana ni mulao ka kuañuliwa. Ku mina bakutazi, “kuketiwa kwa mwana,” kona ze Ni ambola cwale, mwabona, cwale ha taha fa sibaka fa na añulezwi. Jesu nafile siswaniso sesinde sa teni, fa Lilundu la Petuho.

⁴⁴ Sina ha Ni bulezi, Mulimu haana kuzwa mwa milao ya Hae kuli aeze sika.

Haiba una ni siliba se si shelauka sa artesia fa lilundu *le*, se si shelaukisa mezi mwahalimu, mi fa lilundu leliñwi *le fa*, muna ni limela zesweli kuca mulilo, wakona kuyema fa lilundu le ni kuhuwa, “Oh, mezi tuwe, shetumuka usuluhele fa limela zaka! Oh, mezi tuwe, taha kwa limela zaka!” Hana kueza cwalo. Kono haiba u ka beleka kuya ka milao yetalima fa bukiti, wakona kuselaela limela zeo.

⁴⁵ Una ni muuna ya kula ya lobezi fa, kamba muezalibi ya lobezi fa, kamba muuna ya bata kuba ya lukile, yapalelwa kutuhela bucwala, yapalelwa kutuhela kuzuba, yapalelwa kulakaza ni lika zeñwi. Haiba mu ka sebeza kuya ka milao ya Mulimu, mulumeleze Moya o Kenile utahе mwateni, kipeto hasana kuba ka yena anosi. Yena, uka tuhela mukwa wani, kakuli Moya o Kenile u ka muswala. Kono u swanela kubelela ka milao ya Mulimu, litaelo za Mulimu.

⁴⁶ Cwale, mwa Testamente ya Kale, mwana yo ha na pepilwe, ba mu talima, kubona mwa na hulela, mikwa.

Mi bo ndatahe, kakuba muuna yomutuna wa pisinisi, mwendi mwa myaha ye mashumi amane a hae kamba mashumi aketalizoho, nasina nako ya kuluta mwana hae, kasibili, nana ni. . . Mwa mazazi ani nebasina likolo za batu sina mo babezi ni zona cwale, kacwalo nebana ni sene babiza kuli “mulayi,” kamba “muuti,” muhulisi. Mi yena muhulisi yoo neli yomunde yene banani, ili kuli ukaba ya sepahala ni kubulelela bondatahe niti yateni.

⁴⁷ Mi cwale mushimani yoo han afita fa siyemi sesiñwi, lubulele kuli, sa hulile cwale. Haiba mushimani yani nakaba fela muyambaeli, yasiyo hande, ya na sa tokomeli busebezi

wa ndatahe; kaufela za na lela neli fela kubapala ni kumata mata ni basali, kamba—kamba kunwa, kamba kulaula, kamba kumbambala ni lipizi; mushimani yani ukana aba mwana kamita, kono na sa tomwi mwa sibaka sa kuba mucasanda wa lika kamukana za na luwile ndatahe.

Kono haiba nali mushimani yomunde, mi ki yana tokomela musebezi wa ndatahe, kipeto na paka kuli ki mwana yomunde, mi kipeto baba ni mukiti. Ne ba isa mushimani mwa mukwakwa mi ba muapesa lisila, mi ba muinisa fa muambeso kuli munzi kaufela u mubone. Ne baba ni mukiti wa tukuluho, mi bondatahe linako zani nebaba ni mukiti wa kuañuliwa. Na añula mwana hae kukena mwa musebezi wa hae, mi kipeto mwana na likana ni ndatahe. Ka manzwi amañwi, haiba kambe ki kacenu, libizo la mwana fa ceke ne li swana fela ni la bo ndatahe.

⁴⁸ Cwale mutalime sa na ezize Mulimu. Mwana Hae ha pepwa, A Mu tuhelela kufita fa myaha ye mashumi amalalu, a Mu tatuba, a Mu lika. Mi Ki Ha mufa myaha yemihalu ya muliko otata. Mi cwale kwa mafelelezo a muliko otata, ha Na boni kuli Mwana Hae na tokomela musebezi wa Ndatahe; Lilundu la Petuho, Buka ya Luka; Nangile Pitrosi, Jakobo, ni Joani, lipaki zetalu, mi baya fahalimu a lilundu, mi fani Mulimu a eza milao ya kuañuliwa. Yena . . . Ba talima mwahalimu mi babona Jesu, mane liapalo za Hae zabenya busweu sina lumonyi lwa pula. Inge Lilu le li Mu kwahela fahalimu, mi Linzwi lataha kuzwa mwa Lilu, mi lali, “Yo ki Mwana Ka ya latwa; mu Mu utwe. Ni ka ina fafasi cwale mi hakuna ze ni ka bulela hape. Za bulela Yena ki mulao ni Niti.”

⁴⁹ Cwale keleke se ifitile mwa likolo zecwalo. Na i lo nyalelwa koo, nako yakale koo, mi aba kopano, aba ketengo. Kono, mu lemuhe, Kupepwa ne ku tisize sesiñwi fela. Mi cwale si fitile fa sibaka sakuli keleke ya Pentekota, ni Kupepwa sinca, se i likilwe ni kutatubiwa, mi cwale sifitile fa sibaka . . . Mulimu ha sebelisani ni Keleke inge ili kopano. Ha sebelisani ni Keleke kakuba si—si sikwata sa batu.

U sebeza ni Keleke sina mutu anosi, mutu ka buyena mwa Keleke. Mi cwale si fitile fa nako yakuli . . . Mi hakuna kunutu; kaufela lwa li bona. Mi muuna ha sa bonisize, mi Mulimu wa mu lata, U muisa kusili ku Yena kasibili. Kwani kwapli a Mangeloi U mu ezeza sika. Wa mu nanulela Fapila Mulimu, ni kumufa limpo, ni ku mutaza, ni ku muinisa hande. Loo kona lusika mo lupila kulona.

⁵⁰ Moya o Kenile o swana ono pilisize ma Lutheran, ono kenisize ba Methodist, ono kolobelize Mapentekota, cwale li beilwe mwa mulao wa Kutaha kwa Mulena Jesu. Mi, likaba ze mata hahulu, Mubili wani, uka taha mwa Sikwata se, ki Keleke, zeo li ka hohela babañata mwa libita. Ku kaba zuho. Kona seo Moya o Kenile ubezi teñi. Moya o Kenile kinto mañi? “Luna lu si

yo ha ba si ka petahala.” Ne ba pila mwa lizazi li liliñwi, mwatasi mwani. Lu pila mwa lizazi lisili.

“Mi sila ha si taha sina muunda, Nika . . . Moya wa Mulimu u ka yemisa mayemo.” Mwabona? Lu mwa lizazi cwale . . .

⁵¹ Kwamulaho kwani, nebasina butali sina kacenu. Ne ba sa koni kupanga bomba ya atomi kamba kupanga mota. Ne ba sina sayansi ni lika zeñwi sina zelunani kacenu, kono, ni lika zepatilwe; kulika kubulela muuna yana beilwe hamoho, ka liluli ni zeñwi cwalo, ni kunga patisiso yeñwi ni kulia ku ibonahalisa, kuli kuzwe baba sa zibi bulapeli.

Kono cwale, ha lu I tokwa, Moya wa Mulimu uka pahamisa mayemo. Kiñi yeo? U sweli kusulula Moya wa Hae. Mi, baba lobezi mwa mabita mwani, kamba mwatasi a aletare ya Mulimu, sina Mañolo habulela, balila bali, “Kukanga nako yekuma kai, Mulena? Kukanga nako yekuma? Ki nako yekuma kai yesiyezi?” Mulimu usweli kulibeleda kuna ni wena. Keleke i libelezi ku na ni wena. Nako ya ku añuliwa, foo Mulimu akona kusela ku luna mutalelela wa Hae, Mata a Hae, zuho ya Hae, kuli cwale Keleke ni Kreste libe bukafu hahulu hamoho kufitela Kreste abonahale mwahala luna, ni kuzusa bafu, mi lu ye mwa Kuungelwa.

⁵² Cwale lu ka bulela cwana, lubonise fa nako nyana, kuli ki bona fela baba talizwe ka Moya o Kenile kona baba kaya mwa Kuungelwa. “Kakuli bafu baba siyezi ne ba si ka pila ka nako yekuma fa myaha ye sikiti.” Yeo ki niti. Fela ki sicaba sesitezi Moya o Kenile kona se si ile mwa Kuungelwa. Cwale, Mulimu na file Moya o Kenile . . .

⁵³ Ni na ni Liñolo leliñwi fa, mwa Joani 14:12. Leo ki Liñolo le li zibahala hande kwa batu mwa tabernakele moo.

Kaniti, niti, Ni li ku mina, Ya lumela ku na . . .

Cwale, musike mwa lumela kuli linzwi leo “yalumela” kuli li mi kutise kwa mulaho. Mwa keleke ya sihalihali, lubulele kuli, “Eeni, Na lumela. Luli, Ni lumela kuli Jesu Kreste ki Mwana Mulimu.” Diabulosi ulumela lika zeswana. Yeo ki niti. Biblele ibulela kuli wa lumela.

Kono Mañolo aize, ku Joani, kuli, “Hakuna mutu yakona kubulela kuli Jesu ki Kreste konji ka Moya o Kenile.” Mina, mane, kuya ka Mañolo . . . Haluboneñi ni yemele foo fa muzuzu fela, Ni si ka feza kale kubala. Ha u si ka fetulwa konji ha se u amuhezi Moya o Kenile. Yeo ki niti.

⁵⁴ U lumela “kuisa.” Moya o Kenile u bulezi ku mina, mi mu Mubulezi patalaza. Diabulosi una ni taba yeswana. “Ni lumela kuli ki yena Mwana Mulimu.” Ni yena diabulois u cwalo. Kono muzamaya kuya ku Yena.

Kanti, Pitrosi na bizizwe mi a beiwa ya lukile, ka kulumela ku Mulena Jesu Kreste; mi mwa Joani 17:17, Jesu naba kenisize ka Linzwi, kakuli Linzwi kona yeneli Niti. Mi Na li yena Linzwi.

1, Joani ili, “Kwa simuluho nekuna ni Linzwi, mi Linzwi nali ku Mulimu, mi Linzwi nali Mulimu. Mi Linzwi la ezwa nama, mi ato yaha ku luna.” Na li Yena, kacwalo A ba kenisa. Ki hali, “Ndate,” kuambola kwa Moya onoli ku Yena, “Na ba kenisa ka Linzwi,” Yena kasibili, ka kubeya mazoho a Hae kubona. “Linzwi la Hao kona Niti.” Fela na Mu bulezi fela mi aba teñi, mwa mba ya musali; oh, ha ku konahali kuli Yena abe ka nzila isili fela kufita Linzwi la Mulimu le kuli li Mu bonahalise. “Na ba kenisa.”

⁵⁵ Na ba file mata fahalimwa mioya ye masila. Ba zwa ona cwalo. A beya mabizo a bona mwa Buka ya Ngunyana ya Bupilo. Mi A ba luma baya, Joani . . . Mateu 10, mi abafa mata fahalimwa mioya ye masila; aku leleka mioya yemaswe, ni kueza misebezi, ni zeñwi cwalo. Mi ba yo kuta inge ba nyakalala, bali, “Neba mioya ne i lu utwa.”

Ki hali, “Musike mwa nyakalala kakuli mukona mioya; kono mu tabe kakuli mabizo amina añozwi mwa Buka.” Mi Judasi nali ni bona. Mubone bukaufi mo akona kutahela; kutaha ona cwalo kutaha ni ku za kuluka, kutaha cwalo ni ku za kukeniswa. Kono ki kai kwa na bonisize liseli la hae? Ki kai kwa na iponahalize ili yena? Fapila Pentekota, na bonisize mibala ya hae.

⁵⁶ Mutalime, moya wani u kaba wa bulapeli hahulu ni wa ku kutwisisa kuba yalukile kufita babañwi, kufitela lifita kwa Moya o Kenile, mi ba ka U bulaya ona foo. Wani kona moya wateni (kana ha mu uboni nji?) utaha upahama, wa antikreste. Mi Jesu ali, “Ikaba bukaufi hahulu hamoho, mwa mazazi amafelelezo, u ka puma nibona Babaketilwe haiba kinto yekonahala.” Kono, muhupule, ki Baketwa fela baba ka libona.

Mulimu ubiza ka kuketiwa. Mina, kikuli ha mu si ka tabela kuba alimuñwi wa bona? [Kopano ili, “Amen.”—Mu.] Nji cwani, sicaba mo busihu cwana, ka kuziba kuli kuna ni se siñwi se si hoha mwa pilu ya hao, “Ni bata Moya o Kenile wani. Ni bata Wena, Mulena, mwa pilu yaka”? Foo ki kuli Mulimu ubeile libizo la hao mwa Buka ya Bupilo ya Ngunyana kusikaba kale mutomo wa lifasi. Na bulezi ona cwalo.

“Hakuna mutu yakona kutaha ku Na,” kwa bulela Jesu, “konji haiba Ndate ki Yena ya mu biza pili. Mi kaufela ya taha ku Na, Ni ka mufa Bupilo Bobusafeli.” Bupilo Bobusafeli kinto mañi? Ki Moya o Kenile. “Bupilo Bobusafeli,” munge linzwi leo ni ku li latelela mwa Sigerike, mi libizwa, *Zoe*. Zoe ki Moya o Kenile. “Kaufela ba Ni file Ndate ba ka taha ku Na. Mi kaufela yataha ku Na, Ni ka mufa Moya o Kenile, mi Ni ka mu zusa ka lizazi la mafelelezo. Ni ka eza cwalo,” A bulela. Hakuna za kuli mwendi kamba hakulata ka Zona. “Ni kaeza. Kaufela ya taha; mi Ni mufa Bupilo Bobusafeli.” Uka lukela kuli azuse, kakuli una ni Bupilo Bobusafeli. Una ni kutaha. Hakoni kushwa sina Mulimu ha sa koni kushwa.

57 Oh, balikani baka babande kuzwa mwa naha kaufela ni tolopo yenyinyani yee, haiba fela Na kona, ka linzwi laka fela, Ne ni ka beya butokwa bwa kuamuhela kolobezi ya Moya o Kenile, ikona kuba sinulo yende hahulu yemukona kuba ni yona mwa bupilo bwa mina. Ku bona kuli . . . Mu swanela kueza ona cwalo.

Ha lu boneñi ni utwahalise taba ye, kaza, “Kusa baka kufetulwa.”

58 Pitrosi na pilisizwe. Na lumela ku Mulena, a Mu latelela. Jesu amu bulelela yoo nali yena, kuli mane a Mu latelela. Na mu file mata akulwanisa mioya yemasila ni ku mu kenisa. Kono kasumulaho wa zeo kaufela, mi aba mubuleli wa sikwata; sina ma Katolika mo ba bata kulibizeza, “kuli bishopu wa keleke, kamba popu,” kamba kaufela zeo nelili zona, toho ya muuna ya keleke; kanti Jesu naize, ka busihu bwa kubetekiwa kwa Hae, “Wa Ni lata, Pitrosi?”

Mi ki hali, “Mulena, U ziba kuli Na Ku lata.”

Ali, “Fepa Lingu zaka.” Na bulezi cwalo linako zetalu.

Mi Pitrosi ali, “U ziba kuli Na Ku lata, kufitela Ni ya ni Wena kwa—kwa mafelelezo, mane Ni ka ya ni Wena kwa lifu,” ni zeñwi.

59 Mi ali, “Mukombwe u si ka lila kale halalu, ukabe . . . mukombwe u si kalila kale, u kabe u Ni latuzi halalalu.” Ki hali, “Kono, Pitrosi, Ni ku lapelezi kwateni.” Muteeleze. Zeo ha ki zona fela. “Ni ku lapelezi kwateni. Mi ha se u fetuhile, kipeto u tiise bana bahabo wena.”

“Ha se u fetuhile.” Na sa huwile. Na binezi mwa Moya. Yena, na sa ezize mifuta ya lika kaufela, kono na si ka amuhela kale Moya o Kenile. “Ha se u fetuzwi, kipeto u tiize bana bahabo wena,” yeo ki niti, “sebeza mulelo wa Hae.”

60 Cwale haluboneñi ni feze kubala Joani 14:12. Cwale mwa kauhanyo ya 14 ni timana ya 12, Jesu naize, “Kaniti, niti, Ni li ku mina, ya lumela . . .” Mi haukoni kulumela . . . “Yalumela ku Na.” Ha ukoni kulumela *ku* Yena. Ki ba kai baba utwisisa zeo? Muli, “Amen.” [Kopano ili, “Amen.”—Mu.]

61 Mwa hupula, mwa Likezo 19. Ni swanela kutuhela taba ye ona fa, kono Ni lukela fela ku i bulela ka mo itahela kuna. Mwa Likezo kauhanyo ya 19, mukutazi yo wa Baptist, yanali mu—mu muituti wa mulao mi na sa bakile, mi nasweli kukutaza ni kupilisa sicaba. Mi nebana ni tabo yatetuna, inze ba tabela fela ni kuhuwa, ka kuba ni mukopano. Likezo 18, Aquila ni Priscilla, ne lu swanisize kuyona maabani manzibwana, mi ne ba ilo mubona. Mi neba ziba kuli nali muuna yomutuna, mi nali mwana sikolo. Mi na sweli kubonisa ka Bibeke kuli Jesu nali yena Mwana Mulimu, inza ziba fela kolobezo ya Joani. Na sa zibi kolobezo ya Moya o Kenile pili. Kacwalo ki hali . . .

Aquila ni Priscilla, yena muuna ni musala hae bani, basuhi ba matalo; bao, Paulusi nali musuhi wa matalo, ni yena. Mi ne ba se ba amuhezi Moya o Kenile mwatasa tuto ya Paulusi. Ne baize, “Luna ni muzwale waluna yomunyinyani ya tahanga kwanu. Ha lu ambote fa nako nyana ka zona.”

Mi cwale Paulusi ataha a to mu teezeza a kutaza, aziba kuli nali muuna yomutuna, mi ali, “Kikuli mu amuhezi Moya o Kenile kuzwa ha mu lumela?”

Se bali, “Ha lu zibi . . . haiba kuna ni Moya o Kenile.”

Ki hali, “Cwale neli ifi,” kamba linzwi la niti la Sigerike le liliteni foo kikuli, “ne mu kolobelizwe cwani?”

Se bali, “Lu kolobelizwe kale ka Joani Mukolobezi.”

⁶² Cwale mutalime sa na bulezi Paulusi. Paulusi nabulezi, kuli, “Joani kaniti na kolobelize ka kubaka; isiñi ka swalelo ya libi, kono kwa kubaka, inza bulela kuli kona se mu lumela.”

Ha u amuhela Kreste kuba Mupulusi wa hao, u lumela *mwa* kolobezo ya Moya o Kenile. Yeo ha ki Kolobezo ya Moya o Kenile, mizwale baka ba Baptist. Ku fosahalile.

Muzwale naize ku na zazi leliñwi, kuli, “Muzwale Branham,” kamba nako yeñwi yefitile, likweli za kwa mulaho, ki hali, “Muzwale Branham, Abrahama na lumela Mulimu, mi a balelwa kulumela kwa hae kuli ki kuluka.”

Na li, “Kiniti.”

Ali, “Kiñi sa kona kueza mutu hape kwanda ku lumela fela?”

⁶³ Na li, “Kona fela zakona kueza mutu. Kona fela zakona kueza kacenu, ki kulumela Mulimu. Kono Mulimu amufa liswayo la mupato,” zeo nelufitile kuzona maabani busihu, “kakuba sisupo sa Na amuhezi ka tumelo ya hae ku Yena.” Mi, kacenu, kufitela Mulimu . . .

U lumela ku Yena ha u Mu amuhezi kuba Mupulusi wa hao. Kono cwale Mulimu ha kufile liswayo la Moya o Kenile, U ku swaile kwa bukamuso bwa Kuyakuile. Cwale mina ba Baptist mu utwe zeo, mi Ni ka zamaya ni mina kuliba kwa silelezo ya Kuyakuile. Eeni, sha. Kakuli, “Musike mwa halifisa Moya o Kenile wa Mulimu, o muswailwe nombolo ka ona kuisa lizazi la kuliululwa kwa mina.” Ha u si ka swaiwa ka kulumela *kuya*, kono u swaiwa ka Moya o Kenile. Maefese 4:30, “Musike mwa halifisa Moya o Kenile wa Mulimu, o muswailwe nombolo ka ona kuisa lizazi la kuliululwa kwa mina.” Seo kona se si miswaya, ha u so fumani kushemubiwa ki Mulimu, mi U kuswaile ka Moya o Kenile.

Kona cwalo, kakuli Bibebe iize, “Hakuna mutu yakona kubiza Jesu kuli ki Kreste, konji ka Moya o Kenile.”

⁶⁴ Mu li, “Ni lumela cwalo kakuli mulisana ubulezi ona cwalo.” U bulela niti, kono zeo ha si ami wena. “Ni lumela cwalo kakuli

Linzwi libulezi ona cwalo.” Yeo ki niti, kono zeo ha ki za hao, seo ha si ami wena.

Nzila fela yokona kubizeza Jesu kayona kuli ki Kreste, ki foo Moya o Kenile ha utaha kuwena ni kupakelana, ni kuba bupaki bwa Ona kuli, “Ki yena Mwana Mulimu.” Kona fela nzila yokona kuzibela zuho kayona, ki foo Moya o Kenile upaka cwalo. “Mi Moya o Kenile ha u tule, U ka paka kaza Ka, ami bonise ze sa taha; uka tisa litaba ze Ni mi bulelezi ami hupulise zona.” Hamuna ku li fumana mwa sikolo. Mwabona? U ka mi hupulisa litaba zeo.

⁶⁵ Cwale lubata kubala fapata nyana mwa Liñolo le cwale, Muñoli Joani 14:12.

Kaniti, niti, Ni li ku mina, Ya lumela ku na, misebezi ye Ni eza u ka i eza ni yena; yemituna mane. . .

Ili kuli, toloko yelukile ki kuli “zeñata,” haiba mubata ku i talima.

. . .yemituna kufita ye u ka ieza; kakuli Ni ya ku Ndate.

⁶⁶ Ha Na kaya ku Ndate, Moya o Kenile no ka taha. Kana ki cwalo? Liñolo leliñwi liize, “Haiba Ni ya, Mutiisapilu u ka taha. Kono haiba Ni ya, Ni ka taha hape ni be ni mina, mane mwahala mina.” Mwabona, ki Mulimu yali ni mina. Fahalimwa mina, pili; ni mina, ku Kreste; mwahali ku mina, mwa Moya o Kenile. Ki Mulimu yali ku mina.

⁶⁷ Cwale, “Misebezi ye Ni eza mu ka ieza ni mina,” isiñi musebezi usili. Kono Mulimu ubata kutisa Moya o Kenile, ku wena, kuli azwelepili musebezi wa Na eza ku Kreste.

Musebezi no sa tokwahali hahulu mwa mazazi a Luther. Yani neli Keleke ya Mulimu. Ne si . . . Ne i tokwahala nyana mwa mazazi a Wesley.

Kakuli, “Lifasi,” Bibeles iize, “likaba le li fokola luli, ni kutalifa, ni kuba leli maswe hahulu ka nako kaufela.” Luna ni . . .Lifasi se liba mwa bumaswe hahulu kamukana. . .Lwa ziba cwalo. Kiñi, mutu ueza lika kacenu zeo mane, myaha ye mwanda kwa mulaho nelisa hupulwi kuli zakona kuezwa ki mutu yapilu seta cwalo. “Leli maswe ka nako kaufela, mi baba maswe ba kaba babamaswe, ka nako kaufela,” ku bulela Mañolo, “bumaswe ni bumaswe.”

⁶⁸ Kacwalo, Moya o Kenile ubile uzamaya. Nekuna ni fela bupilo nyana bwa Yona ku Luther; neli kubuyela nyana kwa Yona ku Wesley; ni kubuyela nyana kwa Teni ni ba Pentekota; cwale bupilo ni Moya se libile nto yeswana. U sweli kukopana hamoho, inza tisa mubuyelelo omata wani wa Moya o Kenile sina mwa Na ezelize kwa mulaho kwani, ki kubonahalisa misebezi yeswana ya Na ezize kwamulaho kwani, za bonahaliswa ni kacenu, kinto yeswana.

69 Mutalime sa na bulezi Jesu: “Kaniti, niti Ni lu ku mina, Mwana hakuna sa kona kueza koni Sa bona Ndateahe aeza pili. Sa eza Ndate, U si bonisa Mwana. Ndate upila ku Na; U eza misebezi.” Mwabona?

70 Cwale mulemuhe, kiye nto yeñwi ye Ni tabela kubulela ona faa. “Sina,” Jesu hana ize, “Sina Ndate ha Ni lumile. Sina,” cwale amutalime, “sina Ndate ha Ni lumile, nina Ni mi luma cwalo.” “Sina Ndate. . .” Kana Ndate na Mu lumile cwale? Ndate, kiyena yana Mu lumile, ataha kuzwa kwa Lihalimu mi aina ni Yena.

Na ile cwalo. Ki hali, “Ni eza fela se si tabisa Ku Ndate.” Mwabona? Na zamaya inza eza misebezi yana mubonisa Ndate kuli aeze. “Hakuna se Ni eza haisi sa Ni bonisa Ndate pili.” Mulimu yana Mu lumile, nali mwahali a Hae. “Mi Ndate ya Ni lumile, ki yena Ndate yaswana ya Ni lumile, kona mo Ni mi lumela nina.” Kinto mañi yeo? Mulimu ku wena, inza zwelapili cwalo (sikamañi?) ki misebezi yeswana, ya swana.

Jesu naize, “Ya. . . yena ya *lumela*, yena yana ni Na mwahali aka, ki Moya o Kenile; ya *lumela*, yo ki ya pakile kale za zuho ya Ka, uziba kuli Ni ina ku yena. Ya li ku Na; ha mu ina ku Na, Manzwi a Ka aina ku mina.”

71 Cwale mu li, “Ni pila ku Jesu; kono luli Ha ni lumeli mwa foliso ya Bumulumu.” Seo sibonisa kuli Ha yo mwateni.

72 “Ni lumela ku Jesu; ha ni lumeli ku Moya o Kenile mwa lizazi lee, isiñi mo ne ba be zi ni Ona kwa mulaho lwani.” Seo si bonisa kuli Ha yo mwateni.

73 Moya o Kenile uka pakelana ni Linzwi kaufela le U bulezi. Yena ha ki lihata. Yena ha sabi mutu kamba neba kopano. Halukeli ku kubamela mutu. Ha bulela, kipeto U ina ni zona.

Haiba bainuneki, ni baba sinyehile, ni baba itutile, kamba mo lu libizezanga kuli, limbombo za malena, ha ba sa tabeli ku Li amuhela, “Mulimu wakona kuzusa bana ba Abrahamama kwa macwe aa.” Uka nga likebenga za litobolo, ni bo ndalabangwana, ni lika zeñwi kaufela, ni kuba nanula. Mulimu wakona kueza cwalo, mi U sweli wa lieza. “Mulimu wakona kuzusa bana ba Abrahamama kwa macwe aa.” Kuna ni ya ka eza cwalo, kakuli Yena ki Mulimu.

74 “Ha mu ina ku Na, ni Manzwi a Ka aina kumina, mukupe kaufela se mu lakaza,” kakuli mu kupa Linzwi la Hae, mi Linzwi la Hae kona Bupilo. Muli bulele. Haiba Mulimu na li bulezi, mi wakolwa kuli Na li bulezi, Moya o Kenile upaka kuli Linzwi lani li lukile, konakuli, kifohe cwale, muzwale. Li bulele; ki leo foo. “Mubulelele lilundu le kuli, ‘U shenye,’ mu sa kakanyi mwa lipilu, kono mu lumela kuli se mu bulezi si ka ezahala.” [Muzwale Branham ukambela mazoho a hae linako zetalu—Mu.] Ha ki wena yabulela, kono ki Ndate yapila ku mina; ki Yena ya bulela. Ha ki wena ya ambola kwa lilundu, ki Ndate yapila ku wena, ya bulela kwa lilundu leo. Li na ni kushenya. “Mahalimu kaufela ni

lifasi li ka fela,” A bulela, “kono Moya wa Ka hauna ku . . . kamba Linzwi la Ka halina kufela.” Kiniti, Halikoni kufela. Ndate!

⁷⁵ Cwale, “Misebezi ye Ni eza.” Mulimu u mwa Keleke ya Hae, kuli azwelepili misebezi ya Yae. Kona za Na lumezi Moya o Kenile. Cwale, Na ziba cwalo. Yena, Na ziba kuli halina kuezahala, ne li ke za ezahala ka nzila yeo, kona kuli ka manzwi amañwi, kona kuli Na na ni kuluma. Ndate aluma Mwana, abeya kaufela ze neli kwa simu- . . . Mwana ku mina. Mi misebezi kaufela ya Na ezize, yona misebezi yeswana cwale ya na ezize Jesu, muka i eza ni mina, Keleke.

Nji ha mu tabeli kueza misebezi ya Mulimu? [Kopano ili, “Amen.”—Mu.] Jesu naize, “Haiba mubata kueza misebezi ya Mulimu, mulumele ku Na.” Mu ka lumela cwani ku Yena? Ha mukoni kueza cwalo konji ha mu na ni Moya o Kenile.

⁷⁶ Kakuli, hakuna mutu yakona kubulela kuli ki Yena Mwana Mulimu; u bulela sa bulezi mutu usili. “Bibele ibulezi kuli ki Yena Mwana Mulimu; Ni i lumela Bibele.” Ku lukile. “Bibele ibulezi kuli Ki yena Mwan Mulimu; Na i lumela Bibele. Mulisana ubulela Ki Mwana Mulimu; Na mu lumela mulisana. Boma babulela kuli Ki Mwana Mulimu; Na ba lumela boma. Mulikana ka ubulela kuli Ki Mwana Mulimu; Na mu lumela mulikana ka.”

Kono nzila fela ye Ni kona kubulela ka yona kuli ki Mwana Mulimu, ki foo Moya o Kenile utaha mwateni ni kupaka cwalo yena Kasibili, kipeto Ni ziba kuli ki yena Mwana Mulimu. [Muzwale Branham ungongota fa katala linako zene—Mu.] “Hakuna mutu yakona kubiza Jesu kuli ‘Kreste,’ konji fela ka Moya o Kenile.”

⁷⁷ Huh! Hakuna mutu ya ambola ka Moya wa Mulimu yakona kubiza Jesu kuli ukutilwe, kamba kubulela kuli Nali sesiñwi ka zazi lani ni kacenu kinto isili. Seo si ka Mu fokolisa ni kutokwa mata. Batili, sha.

Yena wa swana maabani, kacenu, ni kuyakuile. Moya wa niti kaufela u ka pakelana ni seo. Ku lukile.

⁷⁸ Cwale, Na ize, “Misebezi ye Ni eza mu ka ieza ni mina,” Joani 14:12, cwale, ki misebezi yeswana.

“Oh,” ba li, “keleke ieza misebezi yemituna kacenu.” Mwa mukwa ufi?

Na ize, “Misebezi ye Ni eza.”

“Kuli,” se bali, “Kihande, luna ni bahasanyi ba linzwi lifasi kaufela, woo ki musebezi omutuna.”

⁷⁹ Kono ki Hali, “Misebezi ye Ni eza.” Cwale ha mu ieze, mu ieze pili, kona mu ka ambola ka za bahasanyi ba linzwi.

⁸⁰ Kacenu, ne ni kutaza kwanu nako yeñwi ya kwamulaho kaza Mohammedan, na ize, “Mohammed u shwile.”

“Yeo ki niti, u mwa libita, kono zazi leliñwi u ka zuha.” Ki hali, “Haiba u zuha mwa libita, lifasi kaufela li ka ziba mwahala liholo fela ze twenti-foo.” Ki hali, “Mina batu mu bulela kuli Jesu u zuhile se li myaha ye likiti zepeli cwale, kono mane babañata mane ha ba si ka ziba kale.”

Ki mukwa wa kuli u bulezi sina mutu ya itutile kihona. U bulezi ka mayemo a sikolo kamba tuto.

Haiba taba ye kaufela, keleke yetuna ya Mulimu, kubala ba Katolika, Baipanguli, kaufela hamoho, ne ba amuhezi Moya o Kenile, lifasi le hane li kaba mwa Bukreste hande; nekusike kwaba litaba zecwana za ba swalisano; nekusike kwaba litaba za lifapahano, kamba sitoyo, kamba butimani, kamba sitoyo. Jesu na ka inafa Lubona lwa Hae, mi neluka zamaya mwa paradaisi ya Mulimu, ni Bupilo Bousafeli, kupila kamita; baba zuhile kale mwa mubili o munca, inge ba zamaya, kusina kusupala, kusina ku panya limbi, kausina ku kula, kusina kushwa tala; inge bazamaya mwa tabo ya Mulena, kuambola ni lifolofolo. Mi, oh, ki lizazi lelicwalo leo! Kono luezize lika kaufela kwanda a seo Yena. . .

⁸¹ Na ize, “Muye mwa lifasi kaufela mu kutaze Evangeli.” Evangeli ieza sikamañi? “Ha ki Linzwi fela, kono ki ka Mata ni liphahaliso za Moya o Kenile.” Ku eza Linzwi la Mulimu kubonahala, kona Evangeli.

⁸² Hamukoni kueza cwalo. Cwale, Jesu na ziba cwal, kuli Na lukela kupila mwa Keleke ya Hae.

Kabakaleo, Na ziba kuli lu kaba ni likolo za butali. Mi hamuna ku utwa litaba Ze mwa sikolo za bulapeli fela. Ba ka Li lwanisa. Kakuli, ze ba ziba fela ki mutu yomuñwi ya butali kihona, tuto yeñwi ya litumelo kamba kopano yeba bata ku—ku pila kuyona. Kona kuli baka—baka ku beya mwateni ni kueza wa siemba sa mubili wani, mi, muzwale, ba ka ku balela litaba zeñwi za buka ya lituto za litumelo inge kuli ipetahalile. “Keleke yetuna yekenile, yona ya mushemi, i yemi bukaufi kaufela, i yemi ka yukiti kaufela.” Kona ni diabulosi mwa ezelize; u lelekilwe kuzwa mwa libaka kaufela zeliteni, mane, mi u sa zwelapili fela ka kuswana. Eeni, sha. Oh, ba ka lika kubulela ona zeo.

⁸³ Kacwalo Jesu na ziba kuli ku kaba muzamao omutuna wa za nama sina mo ne kuinezi mwa mazazi a Hae, kukena mwa kutapisa kwa lipoto ni lipani, ni kuapala litino, ni kufutula makola kwa mulala, ni lika kaufela ze ne baezize, lika zeshutana ze kaufela ze ne ba eza. Na ziba kuli ba ka eza cwalo, kacwalo Ki hali, “Cwale amu libelele felafa muzuzu. Ha nina ku mi siya sina lindiyala, Ni ka taha hape ni be ni mina. Kabakaleo,” Na ize, “misebezi ye Ni eza, muka i eza ni mina.”

⁸⁴ Mulelo wa kuluma Moya o Kenile neli Mulimu a zwelepili ka sikwata nyana sa sicaba sa hae, kuli azwelepili kubonisa Mulimu kwa lifasi. Yeo ki niti. Isiñi ka tuto ya tumelo, isiñi ka kopano,

kono ka Mata a zuho ya Hae, ka kubonahalisa Linzwi la Hae kuba la niti; ka kunga sepiso ya Hae, ni kuyema kwatuko a baba likani, ni kulumela Mulimu; ni kubona mahalimu amansu ashanya kukuta kwa mulaho, mi Mata a Mulimu akena mwateni ni kunga sibaka. Amen. Zeo kona Za bata. Kona zeo Moya o Kenile no lumezwi. Kona mulelo wa Na U lumezi. Lwa ziba seo Uli sona cwale, mi kona za Na U lumezi.

⁸⁵ Kabakaleo, hakuna mali asili akona kukenisa sicaba. Na hanikoni ku mi kenisa, ni mina hamukoni ku ni kenisa, kakuli bubeli bwa luna lupepilwe ka foso. Kono Jesu na pepilwe kusina foso, yeo ki niti, kona kuli Mali a Hae kona a kenisa. Mi Mulimu atuluka, aeza mubili, apila ku ona, asulula Mali ani kwa kukenisa kwa woo, o no felisize maikuto a sibi ni maswabi. Mi, ka tumelo, ka kulumela ku Zeo, Mulimu taha fafasi mwa mubili wa mutu yoo, ka kukeniswa kwa Mulimu, u beya Peu ya Abrahama, ka tumelo.

⁸⁶ Ku lumela kuli Mali ani na ka taha, ona Mali akenile ani abe makazo sina mali a hae, aya kwani kasamulaho amano “ba fela ya shwile.” A lumela Mulimu ka myaha ye twenti-faifi, yena ali wa myaha ye sevente-faifi ya kupepwa, mi alumela kufitela akwanisa ye mwanda. Mi Sarah, sikisite-faifi, mi alumela kufitela akwanisa ye nainte. “Mi na swana fela mutu ya shwile.”

Mi Mulimu ali, “Kacwalo sicaba hasina ku mbwinja zeo, a mu pahamisa fa lilundu ku yo fa sitabelo.”

⁸⁷ A bulelela batanga ali, “Muyeme fa ni mule mi mulibelele. Mushimani ni Na lwaya mwani lu yo lapela, mi mushimani ni Na lu ka kuta.” Oh, u ka lieza cwani zeo?

Abrahama ali, “Ni mu fumani inge ya zwile kwa bafu. Mi Ni ziba kuli Yena ya ni file yena, sina ya zwile kwa bafu, wakona ku mu zusa kwa bafu haiba fela Ni kona kubuluka Linzwi la Hae. Kubuluka, Ni buluka Linzwi la Hae; Wa kona ku mu zusa kwa bafu.”

⁸⁸ Kubulela hande za Krete! Ki Yani foo. Mi kaona Mali ani kutahile Moya o Kenile, o no tamehile Iliona mwa mubili obizwa Jesu. Mali ani na kenisize nzila, ka tumelo, kuli abize baba liuluzwi, kamba ba Baketilwe ba Mulimu. Mi cwale ha u amuhela Seo, mi Moya o Kenile u zwisa butimani kaufela ku wena, U kena mwateni yena, Mulimu Kasibili, kuli asebeze tato ya Hae.

⁸⁹ Mwatasi mo, nduna wa butimani yani; ni yomuñwi wakale wa *kuli-ni-kuli* yo mwahali mo usweli kueza sa *kuli-ni-kuli*; ni mushami *yoo* fa ya ambola ka Zona, ni kuli Liswanisa. Mutu ya tezi Moya o Kenile uka yema mwapata a zona. Amen.

⁹⁰ “Mi ba lemuha kuli. Ne ba li litimbi mi baba si ka ituta, kono ba lemuha kuli ne ba bile ni Jesu.” Kona za na tezi Moya o Kenile zeo.

91 Muyambi yomuñwi ya shebile yana sa koni kuñola libizo la hae. Kono ayema fani mi ali, “Lu ka utwela mañi, mutu kamba Mulimu?” Amen. [Muzwale Branham ukambela mazoho a hae hañwi—Mu.] “Zeo mu i tibelesona, kuli lu ka zwelapili kukutaza ka Libizo la Jesu.” Mawi, ha ki bundume ni boo! Na ziba kuli una—una ni Munzi mwabuse. Yeo ki niti. Na li muzamayi ni muenyi fa. Na bata Munzi o no taha.

Muprisita yani wa muipi na talusa sikamañi ku yena? Na li mwatasa kopano ya Mulimu wa Lihalimu, yana zusize Mwana Hae, Krete Jesu, ni ku mu taza ka Moya wa Mulimu yana ezize lihalimu ni lifasi. Ki fo he cwale. Na sa mu sabi. Batili, sha. Lifu. . .

92 Kiñi, ha ne baisize Setefani yomunyinyani kwani, mi bali, “Amu mu ise kafoo!”

Ki hali, “Mina ba ba omelezi milala ni lipilu ze si ka kena mwa mupato ni lizebe, muhanyeza Moya o Kenile kamita. Sina bo ndata mina mo ne ba ezelize, ni mina ki mo mu ezeza.”

Se bali, “Lu ka ku nata kuisa lifu!”

Ki hali, “Hamukoni kuezwa cwalo haiba muka. . .”

“Kihande lu ka mi bonisa haiba lu ka lieza kamba nee!” Ki ha ba nopa macwe amatuna mi bakala ku mu sita ona kwa toho.

93 A talima mwa halimu, mi ki hali, “Ni bona Lihalimu likwaluhile. Ni bona manela yetaha ishetumuka. Ni bona Jesu uyemi kwa lizoho la bulyo la Bulena bwa Hae.” Mi Bibelesona i si ka bulela kuli na shwile; a lobala. Oh, mawi! Ni bona hana Lingeloi litaha fafasi, la to munanula ni ku swala sina mbututu, ku maa yona, kufitela alobala. Oh, mawi! Luli.

94 Kona mulelo wa Moya o Kenile woo. Kona Mulimu sa na lumezi Moya o Kenile seo. Moya o Kenile wa taha ku to mufa Mata. Nina ni Mañolo amañata nyana faa, fa muzuzu fela. Moya o Kenile utile ku to mifa Mata. Ha—Ha ni. . .Mwakona kufumana cwalo; se Nili fela kwahule luli, busihu boo.

Ami fe Mata, Mata mwa tapelo!

95 Munge mutu ya pilile bupilo bobunde, kono ki ya tulilwe kamita. “Oh, Na mi bulelela. . .” Mutu yomunde, “Oh, luli, Na lata Mulena, Muzwale Branham.” Kamita u komilwe, hana tapelo ye alabilwe neba yekana.

U taze musali nyana yo ka Moya o Kenile nako iliñwi, mutalime ze ka ezahala. Ha ya fapila Mulimu, ha si ka komiwa. Utaha ka bundume kwa Lubona lwa Mulimu, inza lumela. Una ni tukelo kakuli ki mwana musizana wa Mulimu, ka Kupepwa.

Munge muuna ya shebile yoo, yana ni bupyeha luli, mulena hae u mu lahakelanga kaufela ko alata. Muli, “Libelela fa muzuzu cwale.” Sesiñwi si cincize, mwabona, una ni Moya o Kenile. U kufa Mata. Bupilo bwa hao butezi Mata.

U kufa Mata a kubulela.

⁹⁶ Kiñi, mawi, batu bene ba na ni sabo, inge bayemi fani; Pitrosi, Jakobo, Joani, Luka, ni babañwi bani kaufela. Ne se ba kenii mwa ndu ya fa halimu, bali, “Oh, halukoni kubulela zeñata kufita foo. Bona, mutalime fani, kiyani Dokota wa *Kuli-ni-kuli* ni babañwi kwande kwani. Ki yani fani Rabbi, wa *Kuli-ni-kuli* ni ze cwalo. Mwa ziba, nana ni madigiri amane a kwa koleji; yani lukona ku mu lwanisa cwani?” Pitrosi naize, “Oh, Na hupula kulekisa muuna yani litapi zazi leliñwi. Yena, na bulezi, mi Ne ni sa zibi mane za na bulela. Oh, Hani koni ku mu lwanisa.” Kono na li cwani. . .

“Lukona kuezsa sikamañi, mizwale?”

“Ki hali, ‘Libelela.’”

“Kihande, se lubile kwanu mazazi amane.”

“Mulibelele fela ona cwalo.”

“Kukanga nako yekuma kai?”

“Kufitela.”

“Kihande, kana Na bulezi kuli ikaba ka lizazi la bufaifi?”

“Na si ka bulela butelele bwa nako. Na ize, ‘Konji.’”

Kihande, nebasweli kulibelele fela. Konji lili? “Konji.” Mazazi a eiti afita. “Konji.” Mazazi a naini a fita. “Konji.”

Mi kwa mafelelezo lizazi la Pentekota ha se litile, nebali hamoho mwa sibaka silisiñwi, mwa buñwi.

⁹⁷ Mulimu na li fahalimwa bona, mwa Lilu leli la mulilo; Mulimu na zamaile ni bona, fa lifasi; cwale kuna ni se ne si kanga sibaka. Kuna ni se si libelezi ku ezahala.

. . . *kaufela nebali* mwa sibaka silisiñwi, mwa buñwi.

Mi ka nako iliñwi fela kwa utwahala mulumo ozwa kwa lihalimu sina. . . moya omutuna wa liñungwa, mi wa tala ndu kaufela yo ne ba li kuyona.

. . . *mi malimi a kauhani. . . aina fahalimwa. . . bona.*

Ku *kauhana* kinto mañio? “Kusiyana.” Inge kuyabana, kana mu utwile fateni mutu wa sikukuma? Habulela uli, “uh-uh-uh, oh, uh-uh,” mwabona, hakuna zakona kubulela. “Malimi, akauhani.” Sina taku *ye kauhani*, italusa sika se si “abani, ku kauhana.” Ne ba sa buleli. Ne ba sa yabani. Nebasina ze ne baeza kwanda kuezsa lilata.

. . . *malimi akauhani* aina fahalimwa bona, sina malimi a mulilo. (Oh, ne ba si ka itiisa kuzona!)

Mi ba tala Moya o Kenile, . . . (Whew!)

⁹⁸ Mi kwa ezahala sikamañi? Ki bani bazwela mwa mikwakwa baikela. “Ukai Rabbi Jones yani? Ukai mucaha yani? Mi ukai muika yomutuna yani?”

“Mulimu nali fahalimwa luna, ni Mushe, mwa sicacani se si tuka; Na lu fepile ni manna, ya Lihalimu. Na zamaile ni luna ka myaha ye milalu ni yesilezi. . . myaha yemilalu ni likweli zesilezi, fa lifasi faa. Kono cwale U mwahali aku na. Ha ki na ya bulela; ki Yena. Na ziba Yo ali Yena, mi Na ziba yoni Nili yena. Ha ki na cwale; ki Yena.”

Amu mutise kwanu! *Mina baana ba Isilaele, ni . . . mina baba yahile* mwa Judaea, *taba ye mu izibe—mu i zibe, mi muteeleze linzwi* laka, mina bakutazi kaufela ni baluti.

Whew! Mawi! Mata a linzwi! Oh! “Baa ha ba si ka kolwa!” Kunga fela sikwata nyana sani, baba mwanda ni mashumi amabeli, kulwana ni likiti zelishumi kamba kufitelela.

. . . *baa ha ba si ka kolwa, ka mo mu nahanela, kakuli ki hola ya bulalu mwa musihali.*

Ni mukutazi wa Evangeli yetezi. *Kono se ki sona se ne si bulezwi ki mupolofita* Joele;

. . . *hainaize mwa mazazi a maungulo, kubulela Mulimu, Ni ka sulula . . . Moya wa ka (whew) fahalimwa libupiwa kaufela: mi ba . . . Mina amubone Maria ha sweli kubinela mwa Moya, ubuela mwa lipuo lisili ni kubina cwalo? . . . fahalimwa libupiwa kaufela: . . .*

. . . *ni fahalimwa batanga baka babasali Ni ka sulula kwa . . . Moya waka; . . .*

[Muzwale Branham ukambela mazoho halalu—Mu.]

. . . *Ni ka bonisa lisupo mwa lihalimu, mi . . . ni mwa lifasi; . . . misumo ya mulilo, ni tukundukundu inge musu:*

Mulimu na li mwa sicaba sa Hae nako yani. Amen.

“Kihande, cwale, ki digiri yecwani yonani yona? Kai, uzwile kwa sikolo se si cwani?”

⁹⁹ “Seo ha si ezi shutano ni yekana cwale.” Oh, akala ku nelisa Mañolo.

(Davida a Mubona!) . . . *Mulena uinzi fapila ka kamita . . . hanina ku zikinyeza:*

. . . *nihakuli cwalo pilu yaka i ka nyakala, kakuli . . . mi lilimi laka li ka taba;*

. . . *haana kutuhela moyo wa ka mwa lihele, kamba ku siya ya Kenile wa Ka kubona kubola.*

. . . *ha luboneñi ni bulele patalaza ku mina ka za Mupatriareka Davida, . . . ya sa shwile mane u bulukilwe, mi libit ala hae li sa yemi ni luna . . . ka lizazi lee.*

Kono ka mupolofita . . . a bona kutaha kwa Ya Lukile.

. . . mi taba ye ha i zibiwe, *ya kuli Mulimu u ezize Jesu yaswana* yoo, Yo mu kokotezi ka mazoho a maswe, u ezizwe *Mulena ni Kreste*. (Amen!)

¹⁰⁰ “Bana bahesu ni mizwale, lu ka eza sikamañi kuli lu pilisizwe?”

. . . ali, *Mubake*, mañi ni mañi wa mina, mi mu kolobezwe *ka libizo la Jesu Kreste kwa swalelo ya libi* za mina, *mi mu ka amuhela mpo ya Moya o Kenile*.

Kakuli sepiso yeo i ezelizwe mina, ni bana ba mina, ni babali kwahule kaufela, mane ni babañata be Mulena Mulimu waluna u ka biza. (Amen.)

¹⁰¹ Haibile fela Mulimu una ni batu, Mulimu una ni Keleke, Mulimu una ni Moya o Kenile o zamaelela ni Zona. Kona sa na fezi Moya o Kenile seo Mulimu. Babutali ba ka taha; kamita babile cwalo. Kono Mulimu una ni sikwata nyana fela kokuñwi. Mulimu una ni Keleke nyana yelikani ye zamaile hamoho ni kolobezo ya Moya o Kenile, ka kuba ni Liseli. Mi ikaba bona bao, ka bupaki bwa bona, ba ka atula lifasi.

Hanili Bibebe ibulela kuli Jesu naize, “Mbuyoti ki ya baba na ni pilu yekenile; kakuli ba ka bona Mulimu”? Mi kikuli ha I buleli, kuli, “Baba lukile, balumeli, ba ka atula lifasi”? [Kopano ili, “Amen.”—Mu.] Luli.

Bupaki bwa mina kacenu bu ka tisa katulo fa munzi woo. Bupaki bwa luna ka za kolobezo ya Moya o Kenile ni Mata a Mulimu, ki bupilo bo bukenile, kona ze ka tisa katulo fa munzi woo. Kanti se. . .

¹⁰² “Bona ba pili ba kaba kwa mafelelezo; baba li kwa mafelelezo ba kaba kwapili.” Hanina kuziba sika ka za Sankey ni Moody, mwa zuho ya bona. Hakuna ze ba ka ziba ka na, mwa taba yee. Kono Ni ka yema moo, kuli nife bupaki; ni mina mu ka eza cwalo.

Mi ka zona zeo, ka kuhasanya kwa Liseli, ni kolobezo ya Moya o Kenile, ni ka bupilo bo mu pilile, ni lika za ezize Mulimu kubonisa kuli U sweli kuzamaya moo; mi ni baituti babona, ba ba kwahule ni Zona; ba ka atulwa ka balumeli babona. Ba se ba atuzwi kale. Se ba li fitelezi kale. Oh, mawi!

¹⁰³ Ne ni sweli kuambola fa Mata a tapelo, Mata a lipulelo, Mata a bupilo bobukenile. Amen. Kona so na ni kueza Moya o Kenile seo.

¹⁰⁴ Miba batu babañwi babasweli kuzamaya, mubulela kuli, “Kihande, Na hanikoni fela kutuhela kunwa. Ha ni koni fela kutuhela se.”

Moya o Kenile utaha kutopila ku wena, kuli uzwise zeo kaufela za kuli *hanikoni* lizwe ku wena. Ki niti yeo. Utuhelisa basali kutuhela kukuta milili yabona, ku ba tuhelisa kutina tuputula ni malukwe. Hakuna buinyazo. Ku ba tuhelisa

kuomana. Oh, eeni, kona seo Uli sona, kuli ube ni bupilo bo bukenile. I ka latelela litaelo za Bibeke ka nako kaufela.

¹⁰⁵ Musali u li, “Ku cisize hahulu; Ni lukela fela kutina ona cwana. Si ni tiseza kuona toho ha Ni tuhela milili yaka kuhula.”

Kono hakuna buinyazo mwa Moya o Kenile. Ubezi teŃi kuli ulieze ona cwalo. U ka latelela Linzwi handende fela. Seo kona Moya o Kenile u ka eza.

Ki kuli wena muuna usikulule toho ya hao kwahule ni basali baba mapunu cwalo, ni kutuhela ku ba lakazanga, ni ma membala ba keleke. Kona So ka eza.

¹⁰⁶ Ki ku mi tuhelisa kuzuba ni kunwa, ni kuba ya . . . kubata kuba mwa siputula sesituna. Ni ka zwiisa zeo ku wena. U ka ku kokobeza ha ueza cwalo. Seo kona Moya o Kenile sono lumezwi. Ki ka za bupilo bobu kenile. Yeo kona niti. Ku ku tuhelisa lusebo. Ku kutuhelisa kubapala njuka, ku kutuhelisa papali wa dice, ni lika zeŃwi ze kaufela kwa makozwana.

U ka ku tuhelisa kueza mikwa yoezanga, kupila ka ku sa sephala ni musala hao. Kona So ka eza. Yeo ki niti. U ka ku tuhelisa kunyala musala a mutu. Yeo luli ki niti.

Seo kona Sa li sona. U ka kueza kupila bupilo bobu kenile. Seo kona Mata a Moya o Kenile abezi teŃi, “kuli uiseze ngana ya hao kwa lika za kwa Lihalimu,” foo Mulimu ayemi ki fa . . . ? . . . ngana ya Krete ku wena. Ha ukoni kuikambusa kubonanga lika zeo; ha u li talimela, u ka sikulula toho ya hao. Yeo ki niti. U ka kuezisa cwalo.

¹⁰⁷ Mu li, “Hani koni kueza cwalo. Oh, Hani koni fela ku lieza.” wena haukoni.

Kono Moya o Kenile utahezi ona libaka leo. Kona sene U ezize. No tezi ku to zwiisa zeo kuwena, yona mikwa yeo ya kale kaufela ni lika zosweli kueza.

Ona lusebo lwa kale lwani, kuikaba ili mina, ka kubulela kuli, “Kufuyolwe Mulimu, Ni wa Methodist, Hanina kuba ni sa kueza ni bapikuluhi babakenile bani.” Moya o Kenile u tilo zwiisa seo ku wena.

¹⁰⁸ “Ni wa Baptist. Ni wa Presbyterian. Hanina kuya kwa sikwata sa bapikuluhi baba kenile bani.” Moya o Kenile utezi kutonga ona lika zecwalo ku wena. Kona so No ezize. Wa ku tapisa mwa Mali; wa ku otolola hande. Kona sa Na ti lo eza.

No tezi ku to ku beya hande mwa nzila. Na ize, “Ku to otolola libaka ze kopami.” Kona sa Na ti lo eza; ku to otolola lika. “Ku to ululula libaka zelumbile; ku to eza kuli malundu kaufela abonahale inge kuli abina sina litotolo, mi matali kaufela na kambela mazoho, ku mina.” [Muzwale Branham ukambela mazoho hane—Mu.] Linyunwani za opela ka kushutana. Lilata la tabo la utwahala. Hakuna buinyazo. Kona so No tilo eza. Kona

mulelo wa Mulimu wa na lumezi Moya o Kenile, kuli mueze lika zee, kuli mukone kubeleka . . . kuzamaya ku latelela Yena.

¹⁰⁹ Cwale ha Ni lati ku mi utwisa bumaswe, kono Ni mi bulelezi kuli Ni yemi fa ka busepahali bobutungile luli. Kuli ni si ke na mi nyapa, fa ni fa Na tulanga mufunda waka fokuñwi; ni kupila ni Niti, kono uina mwani ni kueza ka mukwa wakuli hauna kuku filikanya hahulu.

¹¹⁰ Kono Ni bata ku mi bulelela nto yeñwi. Haiba Bibebe ibulela kuli ku fosahalile kuli musali a kukule milili ya hae, mi ubulela kuli u na ni Moya o Kenile kono u sa kuta milili ya hao, Na kakanya haiba u na ni ona. Musike mwa nyema; haiba ku cwalo, zeo libonisa kuli kuna ni nombolo ye ku lwanisa.

¹¹¹ Haiba Bibebe ibulela kuli kwa fosahala kuli musali a apale liapalo za muuna, kono wena u sa tinanga ma obolosi ni malukwe mwa mukwakwa, mina basali baba hulile! Munahana kuli mbututu yomunyinyani ukona kuba . . . nto yeo, kuli abapale ni bashimani babanyinyani ni lika zeñwi. Kono, amutalime, kanti mina—kanti mina basali baba hulile, fifitini, sikisitini, myaha ye eitini ya kupepwa, kufita ku musali muhulu, kwande koo kwa mukwakwa! Mi Bibebe iize, “Ki maswabisa mwa meto a Mulimu,” kuli musali a apale libyana zecwalo. Kono wena u sa tinanga, ni hakuli cwalo, ni kubulela kuli u na ni Moya o Kenile? Na komokanga linako zeñwi. Moya o Kenile u ka latelela Linzwi la Mulimu ka litaku zalona.

Mi mukutazi kwa mulaho wa katala, yasina muhau o swanela kuli a Li kutaze, Na kakanya luli haiba una ni Ona. Yeo luli kona niti! Kihande, kona seo Moya o Kenile ubezi teñi.

¹¹² Uka fa mata a tozo ku mukutazi. U ka fa kukena kwa sikwata. Uka toma Keleke mwa sikuka. Uka tisa tamahano ya Moya. Uka lu tamahanya hamoho ni Mata. Uka lu tamahanya hamoho ni lilato, lilato la sizwale.

Hanina taba haiba u wa Methodist, Baptist, Presbyterian, Lutheran, kaufela so li sona, haiba kaufela luna ka Moya o Kenile ulimuñwi lu kolobelizwe mwa Mubili ulimuñwi, mi lu lilama za Mubili wa Jesu Kreste, hakuna si . . . hakuna se si liteni, hakuna ze sa taha; tala, lukupwe; hakuna ze kona ku lu kauhanya ni lilato la Mulimu, lilato la Kreste, “lilato la Mulimu leli lili ku Kreste,” kakuli lu pepilwe ka Moya wa Hae lu tapile mwa Mali a Hae. Lu sibupiwa sesinca. Kona sa tilo eza Mulimu. Kona sa bezi teni Moya o Kenile. Eeni, sha. Kona ona seo.

¹¹³ Cwale, sicaba, amu ni talime, mwa meto. Mazoho amañata ananuhile, mi bile ni Moya o Kenile; mwabona, luli, ubile teñi. Oh, cwale Ni—Ni ka kutela fateni fa hanyinyani fela. sesa tepiñwi. Kono lu ka kena hahulu kuyona kamuso busihu.

Haiba u bulela kuli una ni Ona, mi u sa na ni mulatu wa litaba zeo, Ha ni zibi se si ku zamaisa. Mulimu haana ku ku isa kwahule ni Linzwi. U ka ku buluka ni Linzwi, kakuli yeo kona

milao ya Mulimu Tota, ya Keleke ya Hae, ya sicaba sa Hae, ya basali, ni ya baana.

¹¹⁴ “Kihande,” muli, “ha si ni fi mulatu ka kueza se kamba *sani*.” Ha si kufi mulatu? Linzwi lili sa ku nyaza.

Mi haiba Moya o Kenile u ku wena, U kaku isa handende kwa Linzwi. Hakuna kuba buinyazo. Mulimu ha ezangi za kucinca cinca kamba buinyazo. U ezanga liswayo mi wena una ni ku li latelela. Ku felile. Kona mo kuinezi ku mañi ni mañi. U taha ka nzila yeswana.

¹¹⁵ Pitrosi naize, “Mubake, mañi ni mañi wa mina; mu kolobezwe, mañu ni mañi wa mina, ka Libizo la Jesu Kreste kwa swalelo ya libi za mina, mi mu ka amuhela mpo ya Moya o Kenile.” Mwabona? Kona cwalo. Lu swanela kufita fa mululwani wani.

¹¹⁶ Cwale ha Ni bati ku mi utwisa bumaswe; Ni mi lata hahulu. Kono, muzwale, kezeli, kana wa lemuha cwana . . . kuli Ni ziba kuli Ni na ni ku yo yema kwa lizazi la mafelelezo mwa zuho, ni lona lusika lwa batu loo, ni ku yo ikalabela ka Linzwi lee? Mi Moya o Kenile ubonisa se, mi na Na si kutazanga kai ni kai, mu ka yo yema kai? Mu ka yo banduka cwani ni zeo? Ha mu koni kueza cwalo, mulikani. Hakuna. Cwale tuhela zeo. Kaufela zo sweli kueza ze maswe, u li tuhele.

Mu li, “Ha ni koni.”

Kipeto hauna sa ku ku zamaisa pili. Moya o Kenile ha sa tile, U ka kufa Mata aku koma lifasi. Mi haiba muna . . . Amuteeleza za Na bulezi. “Haiba mu lata lifasi kamba lika za lifasi, libaka ki kuli lilato la Mulimu ha li yo ku wena.” Cwale, hakuna za buinyazo. Wa li patalaza hande, mi luna ni kutaha kwa liswayo leo.

¹¹⁷ Na ziba mu nahana kuli Ni lyangani. Kono Ni lyangani maswe maswe luli cwale. Mwabona? Muteeleze. Yeo ki niti. Cwale amutahe ku Zona, muzwale, kezeli.

¹¹⁸ Musike mwatuhelela kuli likolo za makoleji zemi beile mwahali ze limi bulelele kuli, “Oh, zeo ki za kale.”

Haiba ki lika za kale, kipeto Mulimu ki wa kale ni yena. Mi haiba Mulimu ki wa kale, kona kuli Nina ni cwalo, kanti. Amen. Ni bata kuba sina Yena. Kiñi? Moya wa Hae u kuna, yona tala yani ni linyolwa, zebiza lika kaufela ze shutana kwa Linzwi . . .

¹¹⁹ Haiba sicaba sili, “Kaufela li lukile, oh, haiba mutu ubapala njuka ka lisheha, ni kubapala za kunuha ka kapene nyana ka muwayawaya kamba totubeli. Ku lukile.” Mulimu ubulela kuli ha ki cwalo.

¹²⁰ “Oh, haiba ukona u inwele fela kacwala nyana, ni kuba fela ya kozwi nyana, fa ni fa.”

Kono Mulimu ali, “Bumai ki bwa hao.”

¹²¹ “Oh,” mu li, “li lukile hande, Muzwale Branham. Ni—Ni—Ni kuta milili yaka kakuli ki taba yaniti. Musali, mwa ziba, basali babañwi babasiyezi baeza ona cwalo.” Hanina taba kamba basali babañwi baeza cwani. Bao ha ki mutala wa hao kamba ha ki malena a hao. Haiba una ni Moya o Kenile ku wena, uka latelela litaelo za Hae hakuna taba kamba batu ba bulele sikamañi ka wena.

¹²² “Kihande, Muzwale Branham, ke le kucisa hahulu, mi Ni lukela fela kutina tuapalo twa *kuli-ni-kuli* too.” Lihele licisa hahulu kufita foo, kezeli yomunde. Halu boneñi ni mi bulelele cwalo. Mi—mi musike. Mu hupule seo.

¹²³ Mi Moya o Kenile ukana u ku zamaisa kwa Niti, mi Niti ya Hae kona Linzwi. “Linzwi la Ka kona Niti. Linzwi la mutu kaufela alibe buhata, kono a Ka abe a niti.”

 Mi munahane fela, “ki maswabisa.” Mwakona kunahana cwalo?

¹²⁴ Leo ki linzwi le li maswe kuli mubuleli a li bulele, kono Ni keni mwa libaka za kulobala ko ku kona kuba fela . . . Wakona kuzwa mwateni, ngombemoongo mane, neli fela ka . . . Ni lika za masila fa limota. Na hupula nali, “Kana sicaba sikona kuba cwani hahulu mwatasi cwalo?” Ni kununka! Mi ha Ni kena mwa libaka zani, Ni bile ni nahana kamita kuli, “Ki munko kwa bumaswe!” Nikona . . . Mwahali mwani, Ni tiba ngo yaka sina *cwana*, kuli ni tape kwa mazoho. Ni saba kuli ha Ni yo swala fa sikiiso sa sikwalo, hape, kwakona kuba likokwani za matuku a butanya ni zeñwi cwalo. Mi Na hupula kuli, “Oh!”

¹²⁵ Zazi leliñwi, inge ni yemi mwa libala la fulai, silisiñwi sa libaka zani mo ne Ni keni, kamba sibaka sa litima, Na to kena mwateni. Mi Na hupula nali, “Oh, makeke.”

¹²⁶ Mi sesiñwi sa li kuna, “Kona ni lifasi mo li nunkela ku Mulimu ona cwalo. Ki maswabisa.”

¹²⁷ Na nahana, ha Ni bona musali ya zamaya mwa mukwakwa, inza minyauka ona cwalo, a apezi liapalo za muuna, kona mo li bonahalela ku Mulimu cwalo. Ki maswabisa, ki nto ye masila mi ye nunka, fapila Mulimu. Ibo, ukaya kwa keleke la Sunda, ni ku i coleta hande.

 Kukaya muuna kulo kwani, ni kunwa, ni kupuma, ni lulata mali, ni kupuma muyaha tuko wa hae, ni lika zeñwi kaufela, kuli afumane kapene nyana kafahalimu; ni kuezwa litaba zeo, ni kulaula, ni kuzuba kwai, kunwa, ni kubulele buhata; mi kona ataha kwa keleke ni kupaka. Maswabisa! Masila! Yeo kona keleke ya ngana ya nama.

¹²⁸ Muli, “Kihande, Ni wa siemba sa keleke.” Eeni, mi ni lukela ku lukulula keleke, mizuzu ye fifitini, kona kuli madikoni kaufela ni babañwi kaufela bakona kuzuba, ni mulisana,

hamoho, u si ka ya kale kwa keleke. Mu ni bulelele! Mu ikambuse kwa sika kaufela se si sika kena!

¹²⁹ “Kusilafaza mubili; Ni ka u sinyā.” Mulimu na bulezi kuli Uka eza ona cwalo. Mi kacenu, kaza kansa, itisa mafu akuma fa nainte-bukana mwa mafu, ka kansa ya fa mumizo ni ya maswafu, litiswa ki musu wa makwai. “Kusilafaza mubili; Ni ka u sinyā.” Kono ba tamehile kuya kwa lihele, inge bazwelapili ona cwalo, ha ba zibi.

Mi mukutazi yomuñwi uyemi fa katala wa madigiri amane, yazwa kwa koleje, muzubi, yena kasibili. Halu boneñi ni mi bulelele sesiñwi, muzwale. Moya o Kenile no lumilwe ku to biza baana ni basali kuzwa mwa litaba zeo. Mu ikambuse kwateni!

Linzwi la kuli *keleke* litalusa ku “kauhana.” “Amuzwe mwahala bona,” kubulela Bibe. “Musike mwa swala ze masila za bona, mi Ni ka mi amuhela; mi mukaba bana babashimani ni basizana ku Na, mi Ni kaba Mulimu ku mina.” Oh, mawi! Ha ni talusi kuba ya shutani, koni Ni bata kuba ya sepahala kwanda kuba fela ka niti. Eeni, sha. Oh, ha ki nto kwa bumaswe fela!

¹³⁰ Baana ni basali, luyemi kai kacenu? Lu kai kana? Ha lu tuheleni.

¹³¹ Busihu bobuñwi, fa sipula sesiñwi sa kale mwa muzuzu wani, (mi Ni swanela kukwala), ki sipula sa kuputa. Kasamulaho wa kulapela mazazi amalalu kamba amane, kacwalo Na fita fa sibaka sa kuli, inge ni potoloha, ni nahana kuli, “O Mulimu,” mi Na ni kufita fa sibaka sa kuli mane ha Ni sa ziba sa kueza. Na li, “Mulimu, lu kwa mafelelezo a nzila. Mi Ni lemaha kuli Ni hanile. Ne ni bile ni lipizo zene taha, mi ne ni katezi, mane na palelwa kueza cwalo.” Na hupula kuli kihande Ni bone Mulena inge ni tangatanga mwa lififi mwani, Yena ha Na katezi hahulu na palelwa neba kuhata lihutu mwa mulaho wa leliñwi, kono Na si cwalo ka . . . Ayo yema ku musali wa kwa Naini, ni ku zusa mushimani yana shwile; kufitela Ayo fita aswala fa likwati la mufu, ni kuitusisa mata nyana anali ku Yena a ku zusa mushimani yani. “Kuhande, kana Ni katezi cwani? Ki butata mañi bobuli ku na, Mulena? Fa Na nahana, ‘Kihande, Ni ya ni supala. Ha—Ha ni koni kueza cwalo.’”

¹³² Nekuna ni Mushe, yena Mulimu yaswana yo Ni sebeleza, nayemi fani, wa myaha ye mwanda ni mashumi amabeli ya kupepwa.

Nekuna ni Kalebū, nayemi ni ali wa nyaha ye nainte, ni mukwale mwa lizoho la hae, mi ali, “Joshua abeya mukwale wa hae mwa lizoho, myaha ye mashumi amane.” Na li wa myaha ye eite nako yani. Ali, “Na ni swana fela sina mutu kacenu inge mwa Na inezi nako yani.” Amen.

Na li, “Mulimu, uni utwele butuku.”

¹³³ Na li, “Kihande, talima fa, Ni cwalo kamita . . .” Mi Na nga swala musala ka fa lizoho (uinezi kwa mulaho kwani) fa Bibeles ye ni Bibeles ya hae yenyinyani, mi Na li, “Mulatiwa, Ni bile ya lwanisa hahulu. Moya o Kenile wa ni nyaza mwahali ku na.” Mi nali, “Ni nahana za tumale twani kulo kwani. Ni sepa neli Hattie Wright kwa mulaho kwani, ni bashimani bani. Ni nahana sa na ezize Mulimu, kulibonisa kuli Nali yena Mulimu, seo ne si konile kubupa.” Haleluya!

Na hupula kuli, “U ni bulelezi cwalo, myaha ye fitile, ‘Ha ni na mi kusiya. Ha ni na ku mi yaha. Hakuna mutu ya ka yema fapila hao, mazazi a bupilo bwa hao kaufela. Ni kaba ni wena. Mi kuzwa mwa lizoho la temuho le, ku ka ezahala mane uka ziba kunutu ya pilu. Kasamulaho wa seo, sikana sipahama ni kupahama.’ Mwaha mwa mulaho wa fani, sa bonahala kupetahala, lifasi la fa kaufi. Kifo kwa taha se, bulumiwa bobuñwi bubutuna, kufita fani.”

Na li, “Mulatiwa, Ni swala lizoho la hao. Ka tuso ya Mulimu ni ka muhau wa Mulimu, usike wa ni tuhelela kuba ya lwanisa hape. Ni tuhele ni ye kwa ancafazo ye kwanu ni kutaze ka mufuta o shutani oni si ka kutaza kale fateni. Tuhela niye kwateni, kuli ni ikenise pili, ni kuli ni lukiseze sicaba nzila; kuli libi zaka luli, ku sa tokomela kwaka ku be mwatasi a Mali, mafosisa aka abe mwatasi a Mali, kuli Ni kone ku zamaya ni kubulele kuli, ‘Amu ni latelele, sicaba.’” Yeo kona niti.

Ni toile kubona mutu ya bulele kuli, “Zamaya uyo eza cwalo.” Ni tabela kubona mutu yaka etelela mwa nzila mwa ku ezeza. Eeni, sha.

¹³⁴ Kwanu nako yeñwi kale, neluna ni mulilo kwanu mwa munzi, Pfau Oil Company ne i ti lo tuka mulilo. Nebana ni ba Jeffersonville Fire Department kulo kwani. Mi mulikana ka, muuna yomunde, na si ka twaela mililo yemituna sina cwalo, na sweli kuzamaya kwani, inza li, “Amu sele mezi nyana *fa*, bashimani. Amu sele mezi nyana *fa*.”

Kwa taha ba Clarksville kwani, “ding, ding, ding, ding,” bamatela kwateni. Mi ki hali, ndu wa mililo a tula, mi ali, “Amu sele mezi nyana fafasi *fa*. Amu pwace lihaulo le *fa*. Amu sele mwateni nyaan *mwani*.”

¹³⁵ Kono mwabuse bwa nuka kwataha baana ba mililo baba lutilwe kuzwa kwa Louisville. Kashuto kani ni manela ne li si ka lula fafasi konji nduna wa bona ha yo fita kwa mafelelezo a manela. Manela hane i nanuha mwahalimu, nali kwa toho ya yona. Ayumba capu ya hae a si ka yo fita kale fani, mi a pwaca lihaulo kapili, ali, “Amutahe cwale, bashimani!” Kona cwalo. Mulilo wa tima mwa mizuzu fela yelikani.

Isiñi, “Amu sele mezi nyana *fa*. Musele mezi nyana *fani*.” Si mi hupulisa babañwi ba bakutazi ba ngana ya butu fela baa.

¹³⁶ Amutahe cwale! Halu yeni! Ni ziba kuli ki Niti. Ni tatubile ni kubona. Kanya! Moya o Kenile u lukile. Mulimu ki yomunde. Musike mwa lika kulo *fa*, kulika *fani*; ha lu zamayeni lukene ku Yena! Uteni fa. Ki za mina. Mulimu na file Mata a Hae kwa Keleke ya Hae. Isiñi kuli musele hanyinyani fa, ni kusela fani; hakuna ze mu ka kwanisa kueza haiba ki cwalo. Etelela kwapili! Amen. Uh! Whew!

Mane hanikoni kubona mwahala bona mane. [Muzwale Branham utubula magilasi a kubalisa—Mu.]

¹³⁷ Amen! Lu ka eza sikamañi? Mutu ni mutu yainzi mo utalizwe ka nto yeñwi.

Mi Ni ka kwala; ni swanela kukwala, kasamulaho wa foo.

U talizwe ka nto yeñwi. Haukoni kuina foo kusina kutazwa ki suka. Unani bupilo mwahala hao. Bupilo boo kona bo bu ku busa, mi bupilo boo bu busiwa ka moya.

Cwale, wakona kutala fela lifasi, kulata lifasi kamba lika za lifasi. Mulimu aku utwele butuku.

Wakona kutala lituto zeñwi za litumelo za keleke yeñwi, za litapelo zeñwi zo petanga, munahana kuli ki kulapela ku mutu yomuñwi ya shwile, kamba—kamba kueza sisupo sa sifapano fa pata. Mulimu aku utwele butuku.

¹³⁸ Mi wakona kutala bulapeli, mi zeo hape ki zemaswe mane. Yeo ki niti. Yeo ki niti. Bibeke ibulela kuli, “Mwa mazazi a mafelelezo ku kaba bulapeli hahulu, kuba ni mufuta wa bulapeli fela; kuba mufuta wa bulapeli, kono se si eza Mata ateni ba si latuzi: ku ba ba cwalo muzwe kwateni.”

Haiba u tezi fela bulapeli, u ziyelehile; bulapeli fela, kihona. Haiba utezi fela lituto za litumelo, ha u zibi zo sweli kubulela. Haiba u tezi fela lifasi, u sibofu.

¹³⁹ Mi cwale, hape, wakona kutala ka Moya o Kenile. Amen. Ni sepa mu cwalo. Mi, haiba ha mu cwalo, Ni sepa mu ka taliswa. Mi haiba utezi Moya o Kenile, una ni sikamañi? Una ni Mata. Una ni lilato. Una ni kozo. “Ni mi fa kozo ya Ka; ha Ni mifi sina lifasi mo li mi fela yona.” Muna ni kozo. Mu swailwe. Muna ni sisupo. Amen. Mu na ni pumulo. Muna ni tabo ye sa bulelwi, ni kutala kanya. Mu swalehile. Oh, mawi! Seo kona semuli sona, ka Moya o Kenile. Muna ni . . . Haiba utezi Moya o Kenile, “U zwile kwa lifu utile kwa Bupilo,” ulibelezi zuho ya batu boote ka lizazi la mafelelezo.

¹⁴⁰ Mwa lifasi le li taha, ka Mulena luna Jesu Krete, mi ki mañi ya Mu boni hataha mwa kanya ni bulena, “Liwate li ka tisa bafu baba ku lona.” “Mibili ye bola ya baba lobezi ku Yena baka . . .”

“Baba lobezi ku Yena.” U kena cwani ku Yena? “Ka Moya ulimuñwi luna kaufela lu kolobelizwe mwa Mubili ulimuñwi.”

“Mibili ye bola ya baba lobezi ku Yena i ka cinca iezwe sina wa Hae Tota mubili o kanya, koo Akona ku beya lika kaufela mwatasi a Hae.”

“Na utwa linzwi lelizwa kwa Lihalimu,” lelili Joani, “ali ku na, ‘Ñola, “Mbuyoti ki ya baba shwezi ku Mulena. . . .”” U ka yo kena cwani mwateni? “Ka Moya u limuñwi lu kolobelizwe mwa Mubili.” [Muzwale Branham ukambela mazoho a hae hañwi—Mu.] ““. . . baba shwela ku Mulena kuzwa cwale kuya kwapili; kakuli ba pumuzi kwa misebezi ya bona; mane misebezi ya bona i latelela mwa mulaho.”” Hum!

Kona sa Na lumezi Moya o Kenile seo. Oh, sepiso ye futozwi, kiyakuli Jesu ki waka! Ni inzi ku Yena, mi ni Yena u kuna; Ndate u ku Yena, mi Yena ku ku Ndate; ni Ndate u ku na, mi Na ku Yena.

Jesu ki waka!
Oh, ha ki munati wa kanya ya Lihalimu!
Ni muca lifa kwa puluso, ni lekile ki Mulimu,
Ni pepilwe ka Moya wa Hae, ha ni tapiswa mwa
Mali a Hae.

Amen. Hani koni ku i lekisa. Oh, mawi!

Macwe abutokwa kaufela ni ma daimondi, ni
silivera ni gauda,
Likwama za Hae zafufula, Una ni sifumu se si
sa konahali kubaliwa.

Kakuli Ni mwana a Mulena!
Ni mwana a Mulena!
Ni Jesu Mupulusi waka,
Si ni eza kuba mwana a Mulena!

¹⁴¹ Amen ni amen. Hanikoni ku i cincanisa. Hanikoni ku i cincanisa. Ni na ni amabeli kamba amalalu hape Maño- . . .

Kanti, ki leo Liñolo leliñwi. Ha—Ha u tazwa ka Moya o Kenile, zeo kona lika zo ba ni zona. Kipeto u ba sikamañi, kwa lifasi? Uba muzamayi. Ni ziba kuli seli busihu, kono nako ha i si ka fela kale ya se. [Muzwale Branham ukambela mazoho hañwi—Mu.] Muzamayi! Oh!

Lu bazamayi mi lu baenyi fa,
Lu bata munzi o taha,
Sisepe sa bupilo cwanofu situha sitaha,
Si to ngela macwe abutokwa kwa Hae.

¹⁴² Ni utwa mezi anata kwa likamba la Nuka ya Ohio, hane Ni sa li fela mukutazi yomunyinyani, mwendi wa myaha ye twenti-foo ya kupepwa cwalo, ne ni opela kwani. Mi Na utwa, na talima mahalimu fahali kuna, ni ku utwa Linzwi, lelili, “Talima mwahalimu.” Ki ha kutaha Liseli lelituna lani, inge li nyendaela fahlimu aka, mi lali, “Sina Joani Mukolobezi mwa na lumezwi

ku to twaaleta Kutaha kwapili kwa Kreste, ukaba ni Liñusa le li ka twaaleta Kutaha kwabubeli kwa Kreste.”

Oh, Ni kona ku li lumela cwani? Kono ne li to ezahala fela ona cwalo. Mi busihu boo mililo ya ancafazo isweli yatuka kai ni kai mwa lifasi. Keleke yetuna ye pulusizwe ya Mulimu i nanuhile Yona iñi kuzwa mwa sibaka sani, ni mikopano yemituna ya foliso, ni lisupo, ni zekomokisa, ni limakazo, ze bonoisa Kutaha.

¹⁴³ U muzwahule wena, mi u muenyi. U eza lika za buenyi, ze shutana ku zo no ezanga. Ha u sa ezanga mo no ezezanga sapili. Sicaba . . . Moya o Kenile, ha U taha fahalimwa hao, mi u tala Moya o Kenile, u ka toboha lika za lifasi. U ka toboha lika zekona ku ku filikanya. U ka i toboha zona. Mi kipeto uba ya—ya sibupiwa sa mikwa yeshutani, uba sina pato yemaswe, ku bona, mbande nyana yene ndondolezwi mwa siyaletu sa kuhu; yene Ni kutalize, *Mi Mbande Haishandaula Siyaletu Sa Yona*. U sibupiwa se si bonahala kusehisa, ku bona.

Kono, oh, mawi, unzo zamaya mwa Nzila yekambama ya Mulena! Amen. Oh, ki Nzila yekamba kuliba Lihalimu. Mi Ni zamaya mwa Nzila yekambama ya Mulena.

Muli, “Talima mupikuluhi ya kenile yani, pato yensu yani. Yani ki yena mukutazi wa mupikuluhi ya kenile.”

¹⁴⁴ Mukutazi ya zibahala hahulu wa Methodist na bulelela muuna cwana kacenu, mwa Louisville, ali, “Ni ka tabela kutusa Muzwale Billy, kono wa ziba se Ni ka eza? Ni lukela kunamulula mulala waka.” Ha u lukeli ku ni otololela ngele ya hao.

Na comozi bupilo bwa Hae ka na. Amen! . . . ? . . . Zamaya fela mwa Nzila yekambama ya Mulena, kihona. Oh, mawi! Utezi ka Moya wa Hae! Upepilwe ka Moya wa Hae! Utapile mwa Mali a Hae! Haleluya! Utabezi!

¹⁴⁵ Mi cwale nto yeñwi, kupalañi, ki sikamañi se si ku ezisa cwalo? U sa li mutu, kono ki sikamañi se si kuezwa zeo? Kakuli u tile, wena, Moya wa hao uzwa kwa lihalimu. Ki Mulimu ku wena.

¹⁴⁶ Ha ne Ni ile kwa Rome, Na yo lemuha kuli bona, mañi ni mañi, nebana ni moya wa Siroma. Ha ne Ni ile kwa Greece, kaufela bona nebana ni moya wa si Grecian. Na ya kwa England; kaufela bona nebana ni moya wa si English. Ha u ya kwa libaka, u ka fumana . . . Mi muka fumana ni moya wa si America; kinto ye maswe.

¹⁴⁷ Ha ne Ni ile kwa libita la San Angelo kwa Rome, nebana ni sisupo kwani sesili, “Shangwe, basali ba America, amu tine liapalo zamina, kuli mufe bafu likute.” Moya wa si American.

Mu ba talimange ha ba tukuluka mwa fulai, ni litio zekama zani, mi mutu kaufela u yo ba buha, mi ki yo foo Maa America wataha. Wani ki moya wa America. Wakona kuziba kwa zwelela; katinelo kao, mushimani, inza hoholola kanja ka mahanyi ka

bulizi bobunde mwa mulaho. Yeo ki niti. Oh, ehe, ki mu . . . Yena, ki yena America, Maa America; inza zamaya cwalo, mwa ziba, ka kuakufa cwalo. Kiñi? Una ni moya wa si American. [Muzwale Branham ungongota fa katala linako ze silezi—Mu.] Kono Jesu naize, Na pakile ka zona mwa lizazi lani, ha Na ize, “Mu ba mwa lifasi le. Na ni zwa kwa Lihalimu.”

Mi haiba una ni Moya wa Kreste ku wena, u zwelela kwa Lihalimu, kipeto u muenyi fa cwale.

¹⁴⁸ Kono una ni sibupeho sa sibaka ko zwelela. Kona ze Ni lika kubulela. Muroma hataha mo, u ka iñwaya mwa toho; mi kuli kutahe mu German mo; mu American azamaye fani. Kupalañi? Muna ni mioya ya linaha zeo ko mu zwelezi.

Kona se si lu shunanisa hahulu ni lifasi. U zwelela kwa Lihalimu. U pepilwe. Uwa—uwa siemba sa Mubuso usili. Mwa lumela Cwalo? [Kopano ili, “Amen.”—Mu.] Seo kona Moya o Kenile uli sona, ki kuku eza kuba mutuwa Mubuso wa Mulimu.

¹⁴⁹ Mi, haiba u mutu wa Mubuso wa Mulimu, u ka kuezisa mikwa yecwani? Inge Mulimu mwa ezeza mwa Mubuso wa Hae. Cwale, Mulimu u eza sikamañi mwa Mubuso wa Hae? Ki kukuena, kuluka, minahano ye kenile, maikuto a kenile; Mata ni lilato, kuya ku baba latehile, kufolisa bakuli, kueza limakazo, kueza lika zetuna. Mi, kwa lifasi ubonahala kulyangana, mi ba li, “Batu bao ba keluhile mwa litoho.” Mwabona? Kono u mutu wa Mubuso woo.

¹⁵⁰ Liñolo li liliñwi fela kihona, haiba mubata ku li ñola, Joani 12:24. Halu boneñi ni mi balele lona kabubebe. Jesu naize:

. . . haiba *taku ya mabele* ye calwa *mwa mubu* . . . ha i sa shwi, haikoni kutisa bupilo bo buñwi.

Cwale, mutalime, pulelo ya ku kwala ka yona cwale. Mi muhupule, cwale, zeo cwale ki . . . Cwale, ku mina, ki ze swanela hande mane kwa mi lukela, walata kamba haulati, ki namungelele, kuli mu amuhele Moya o Kenile cwale. Kakuli, ha u sa amuheli, hauna ku yo zuha wa zuho. Cwale mutalime. Mulimu hakoni kutula milao ya Hae. Lwa ziba cwalo. U latelela milao ya Hae.

¹⁵¹ Cwale, haiba—haiba peu ya buloto, kamba mbonyi, lu ka nga, Jesu na ibulezi foo. Eni sha, ki—ki mbonyi, mwa Bibebe, Ne ni swela fela kubala za yona kacenu, i swana ni bwanda kamba peu ya mufuta kaufela, kono, buloto, makonga, mauza, kamba sika kaufela, ki mabele. Kono haiba bubeke bwa mabele bucalwa mwa mubu, cwale, kuna ni . . . Kaufela luna mo luboni fateni, lwa ziba se sa ezahalanga. Peu ya mabele, kamba bubeke bwa mbonyi, ikona kubonahala hande ka mo iinezi, mi mu i cala mwa mubu, mi haiba mbonyi yeo . . .

Ina ni bupilo bo bu ipitezi. I ka kena mwa mubu kacenu, ni ku yo taha mwa litaka; ni kutaha hape cwalo, ni ku yo

tubulela fahalimu hape; ni kutaha mwatasi. Ki bupilo bo busina mafelelezo.

Haiba mbonyi yani haina kokwani ya bupilo ku yona, hakuna taba kamba ibonahala cwani kuba yende, haina kumela. I ka kena mwa mubu ni kubola, mi kona mafelelezo. Siemba sa yona, lika zeli kuyona, zakona kuitusiswa kwa kuba mununo ni lika zeñwi mwa mubu. Kono haili ka za kuli ikone kupila hape, haina kupila haiba haina bupilo bo bu safeli. Mutu kaufela wa ziba cwalo. Ha kukonahali fela.

¹⁵² Kwakona kuba batu bababeli, alimuñwi wabona abe fela hande, bubeli bwabona babe fela babaswana. Alimuñwi wa bona abe muuna yomunde, ukona kueza misebezi yeminde, ukona kueza zeo ni zeñwi kaufela; kono kwanda kuli muuna yani abe ni Bupilo Bobusafeli ku yena, haana ku zuha mwa zuho. Hakoni ku zuha; hakuna sika se si kona ku mu zusa. Hakuna se si kona ku mu nanula, hakuna Bupilo mwateni. Kacwalo, mwa bona, muzwale waka yomunde, kaizela ka yomunde, kwanda kuli mutu apepwe sinca, hakoni kutaha mwa Mubuso woo. Hakoni. “Kwanda kuli peu ya Mabele iwele mwa mubu ni kushwa.” Na sweli ku ipulela Iliyena. Kono Nana ni, isiñi bupilo bwa kamita, Nana ni Bupulo Bobusafeli; mi Bupilo Na bufile ku wena, kuli ukone kuba ni Bupilo bwa mufuta o swana.

¹⁵³ Cwale, haiba una ni fela bupilo bwa butu, bobukona fela ku kutusa kuzamaya ni kulakaza, “Musali ya pila mwa munyaka u shwile ni ha pila cwalo,” hamukoni ku zuha. Wakona kuba musizana ya zibahala hahulu mwa sikolo. Wakona kuba musizana ya zibahala hahulu ni kabubo kwa sikwata sa hao sa lipapali. Wakona kuba musali yaziba kutina hande mwa naha. Wakona musali yomunde kwa sifateho ni kufita. Wakona kuba ya yemi hande. Wakona kuba sibebiso ku muuna hao. Wakona kuba mwa lika zeo kaufela, ili zeo, mane ki zende. Kono, kezeli, haiba hauna Moya o Kenile ku wena, ili bona Bupilo Bobusafeli, kwa mafelelezo a nzila yeo u felile.

Hanina taba kamba ubonahala cwani kamba litaba zeo mo liinezi, kamba ha u zibahali kamba wa zibahala kaufela, ube yomunde cwani kamba ya maswe kwa sifateho; haiba una ni Bupilo Bobusafeli, kwani u ka yo pila kamita ni mita.

¹⁵⁴ Mi kweli ni linaleli ha se li likezi, mi lifasi se li tibile mwa malundu ni mwa mahalaupa, ni lika kaufela lina—lina, ha ki zeñwi; mi lifasi lizwelapili kutatantalia inge muuna ya kozwi ya taha kwandu busihu, mi linaneli litima liseli la zona, ni kuwa kwa lihalimu, mi kweli i ka fetuha mali; mi haiba—haiba lizazi liswaba ni kutpata sifateho sa lona, ha li bona Mwana mutu nako yataha. Ū beya mwa kuluka kwa Jesu Krete, kuli uzwe mwa libita sina musizana, yomunyinyani yomunde, kuli unge mulikana hao, ni kupila kamita ni mita ni mita, ni mwa masika

a Kuyakuile ataha ukana uzwelapili kupila. Kona so bezi teñi Moya o Kenile.

Haiba u utwa kuhohiwa kokunyinyani, usike wa U hana.

¹⁵⁵ Moya o Kenile kinto mañi? Ki Mulimu ku wena. Kiñi Sobezi teñi? Ki kuzwelapili musebezi wa Hae mwahala sicaba sa Hae; kuli atise Keleke ya Hae hamoho, kutisa Keleke mwa sibaka mwa lizazi le, kwahule ni ba Lutheran, Methodist, ni Mapentekota, kukena mwa sibaka sa kuañuliwa ka muhau wa Kuungelwa. Kuli, siemba sa Keleke ye, kanti Moya ha u kena mwa Keleke ye fa, ika zuha; mi i ka tisa, kutisa baba liuluzwi kaufela baba sweli Moya wani.

Ma Lutheran bani bene bayemi fani ni liseli lene banani lani, ku za kuluka; ma Methodist bene ba alabana mwa mubu, mi ba ba hasaka mezi kwa meto, kuzwa kwa Moya kuli u ba kene ka kuba kenisa; ma Pentekota bani, bene ba zamaya kafa-ni-kafa mwa muwakwa ni kuba biza kuli “lulimo-kwa-liswafu,” mi, oh, “bayabani,” ni “mwa mushobo wa macikwi,” ni zeo kaufela; ba ka yema mwa kuluka, fapila Mulimu ka Lizazi lani, ka niti fela sina Bibeles ye ha iyemi faa. Haiba mu ni lumela kuba mutanga. . . Mu ni bisa kuli mupolofita wa Hae; ha Ni ipizi cwalo na. Kono, mu teezeze, Ni mi bulelele ka Libizo la Mulena. Baba li ku Krete Mulimu uka ba tisa hamoho ni Yena ka nako ya Kutaha kwa Hae, kwa zuho, mi konji fela bona babali ku Krete.

¹⁵⁶ Lu kena cwani ku Krete, balikani?

“Ka tuto iliñwi ya tumelo luna kaufela lukopani mwateni”? Batili.

“Ka kuswalana kulikuñwi mwa mazoho luna kauela luhohewi mwahali”? Batili.

“Ka mezi aswana luna kaufela lu kolobelizwe mwateni”? Batili.

Kamba, “Ka kopano iliñwi luna kaufela lu kopanezi mwateni”? Batili.

Kono, “Ka. . .” Makorinte Bapili 12:13, “Ka Moya ulimuñwi,” Moya o Kenile, Moya wa Mulimu, “luna kaufela. . .” Ba Methodist, Baptist, Lutheran, Presbyterian, “Luzamaye mwa Liseli, sina Yena hali mwa Liseli, luna ni kopano ni yomuñwi ni yomuñwi, mi Mali a Jesu Krete, Mwana a Mulimu, a lukenisa kwa kusaluka kaufela.” “Ka Moya ulimuñwi luna kaufela lu kolobelizwe mwa Mubili ulimuñwi, mi luna ni siemba kwa muhau wa Hae.”

¹⁵⁷ Haukoni kuya kwa Katulo. “Ya utwa Manzwi a Ka mi alumela.” Hakuna mutu yakona kulumela konji ka Moya o Kenile. “Mi alumela ku Ya Ni lumile,” foo Moya o Kenile ha u so pakile zuho ya Hae. “Una ni Bupilo Bobusafeli, mi haana kutaha mwa katulo, kono sa zwile mwa lifu kukena mwa Bupilo.”

Sikamañi? Hauna kukena mwa Katulo. Hauna ku yo yema fapila Lubona Lolusweu lwa katulo.

U kopana ni katulo ya hao ona faa. U zwile mwa katulo ha se u silile ni kubulela kuli, “Ha ni yomunde, mi tuto yaka ha ki yende. Mulena, taha ku na, mi u ni ise mane u ni zamaise, Mulena. Hanina taba se li bulela lifasi lee. Ni zamaise, Mulena, ka Moya o Kenile.” U atuzwi kale. U ikatule iliwena kuba sikuba sa Kreste, mi, mwa kuluka kwa Hae, Lizazi lani lu ka yo yema ka ku sa shwa mwa siswaniso sa Hae.

¹⁵⁸ Ka nzila iliñwi. Cwani? “Ka Moya ulimuñwi luna kaufela lu kolobelizwe mwa Mubili ulimuñwi.” Mi ha ukeni mwa Mubili wani, katulo se i ku atuzo kale mwa Mubili wani, mi u se u Mu amuhezi kale kuba tifo ya sibi sa hao.

U li, “Ni ezize kale zeo, Muzwale Branham.”

Mi, haiba Moya o Kenile so tile ni kukufa liswayo ni sisuo, se si tiswa ki Moya kukena mwa Mubili wa Kreste. U sa fetuha neku leliñwi, u ipumana kuli so li sibupiwa sesinca ku Kreste Jesu. “U zwile mwa lifu kukena mwa Bupilo. Lika za kale se lifelile, mi so li yomunca ku Kreste!” Amen!

¹⁵⁹ Oh, shangwe, haluboneñi ni ku susueze, muzwale waka wa Mukreste kamba kezeli. Usike watuhela ancafazo ye ku ku fitelela. U swanela ku amuhela Moya o Kenile. Kisikamañi Seo? Ki Moya wa Mulimu. Neli Wa sikamañi? Neli ku to ku etelela, kuku zamaisa, kuku kenisa, ku kubizeza kwande, ni kukena mwa Keleke.

Keleke ki sikamañi, kana linzwi la kuli *keleke* litalusa sikamañi? “Baba bizizwe, baba kauhani.” Oh, mo Ne ni kangela kutazo kuzwa ona foo cwale mina! “Ku bizwa, kukauhana,” bazwahule, kwahule ni lifasi, muyambaeli ni muzamai, kubulela kuli kulo fa haluna munzi wa lifasi olukona kulakaza kupila teñi. Oh, mawi!

¹⁶⁰ Sina Abrahamama, ni Isaka, ni Jakobo, mo ne ba zamaezi, ne bapila mwa litende mwa naha yani. Ne ba ipiza kuli ki bazamayi ni bayambaeli, peu ya sanda sa bona, sanda sabona kwa mulaho kwani; yena ndate, ki sanda. Luna lu bana ba bona. “Mi ne ba batabata Munzi o Mulali ni Muyahi wa ona ki Mulimu.” Amen. Neba sweli kubata.

¹⁶¹ Mi, kacenu, peu yabona i sa libelezi Munzi otaha wo, kuli, “Ha ni lati ku inelela mwa lifasi lee. Ha ni lati kuba ni sa kueza ni lifasi lee. Na bata, Ni libelezi Munzi o yahilwe maneku amane alikanelela. Ni bata Munzi ona ni Bupilo Bobusafeli, koo lizazi halina ku yo likela, ko kusike kwa yoba kusupala, ko kusike kwaba siswaniso sa ha malilo fa munyako, kamba libita kwabuse bwa lilundu. Ni bata Munzi wani, Yoo Mulali ni Muyahi wa ona, ki Mulimu.”

¹⁶² Kuna ni fela nzila iliñwi ya ku u fumana. “Nekuna ni Licwe lene li pumilwe kwa lilundu, kusina mazoho, lene li pikuluhezi mwa lifasi ni ku li luba, mi laba sina buloto . . . kamba muuku fa sihoto.” Mutuhele Licwe leo, ki Kreste Jesu; Licwe la kusitatala kulona lani kwa lifasi, ki Licwe la kusitatala, Licwe le li shehiwa, ki siteo sa kusitatala kwa keleke; kono ki Licwe lelinde ku mulumeli, Licwe la sepiso, Licwe la pumulo. Oh, mawi!

Kupumula! Na ziba kuli Ni zwile mwa lifu kukena mwa Bupilo. Moyo waka ufumani pumulo. Oh! “Mutahe ku Na mina kaufela baba katezi ni baba imezwi, mi Ni ka mifa pumulo ya mioyo ya mina.” “Ki—ki sisupo se si ka bulelwa bumaswe,” kwa bulela mu—mu mupolofita ku Maria. Ikaba sisupo, luli, ikaba cwalo. Kono ikaba sepiso. Ikaba lilato. Ikaba ku kuliswa. Ikaba nto yeñwi ye muziba kuli muziwle mwa lifu kukena mwa Bupilo.

¹⁶³ Muzwale waka, kezela ka; kakuba muzwale wa mina, sina mutanga a mina ku Kreste, haluboneñi ni mi susueze, ka pilu yaka kaufela. Musike mwa tuhela kuli se si mi fite fa litho, kamba ku mi fitelela, kamba ku mi shela mwatasi. U Li amuhele mwa pilu a hao, mi ukaba mutu ya tabile mwa lifasi.

Ha ni mi sepisi kuba ni milioni dollar. Batili, sha. Muzwale Leo, Ni sepa kuli kubile zeñata hahulu ze sepisizwe cwale, “madollar aeza milioni,” lika ze ba bulezi baba shutana. “Haiba u Mukreste, wakona kuba ni madollar akuma fa milioni mi wakona kuba mufumi.” Ha ni mi sepisi sika.

Ni mi sepisa se, nto fela inosi ye Ni kona ku mi sepisa ki: puluso ya Hae. muhau wa Hae wa mi likana kwa muliko kaufela. Sicaba kwa Pentekota, ne ba sa bati ze ne banani mane. Cwale muambola ma milioneya? Ne ba sa bati ze ne ba nani, Kezeli Angie.

¹⁶⁴ Nika tabela ku mi utwa wena ni Gertie inge muopela, leliñwi la mazazi aa (Uinezi kai?), *Sunda Yakutaha Kwahae*, leliñwi la mazazi aa. Buñata bwa bona se ba silezi kwabuse bwa mululwani wani cwale. Oh, mawi!

Ne ba sa kupi lika zetuna. Ne ba si ka kupa masheleñi. Kiñi, Pitrosi ali, “Silivera ni gauda Hanina zona, kono ze Ni nani, Ni ka kufa zona.”

Mi Ni bulela cwalo busihu boo, balikani. Tabo, lilato, sepiso, ze Ni na ni ku Kreste ni zuho ya Hae, ze Ni nani, Na kufa zona; Na mifa zona, sina bana ba Mulimu.

Mi utahe u to pila kwa sifapano haiba Mulimu u ku bizize, mi usike wa nanuha fateni. Ha mu ka taha kamuso busihu, utaha ku to ina fa kufitela ha se lifelile, kamba utahe mi lu ka lapela ni mi beya mazoho. Zamaya . . . Woo kona mulao wa Bibebe, ku ba beya mazoho ka Moya o Kenile. Mi kipeto lu ka zwa, muya kwa malapa amina . . . Haiba uka ina fela ona foo, haiba uka inelela busihu kaufela, kuinelela kufita habusa, kuina kufita habusa,

kuina mwa pumulo kaufela, kuina kupunya zazi la pili mwa silimo sesiñwi, ni kuina ona cwalo, uine kufitela.

¹⁶⁵ Kuli, se lu ka mi zibisa kuama busihu kamuso, ku mibonisa mwa Bibeze ze na ni kutaha, li ka taha. Mi ha se Litile, kupeto hakusana madimona amañata akona kunyandisa . . . U ziba kuli so zwile mwa lifu ukeni mwa Bupilo. U sibupiwa sesinca ku Kreste Jesu. Milangu ya tabo ya Lihalimu i ka lila.

¹⁶⁶ Muzwale Othal, Na ku bulelela, si ka kubeya fela fa mulilo. Ki yo fa mushimani yainezi fa, muzwale waka yahulile, yanali sisinyi na zamayanga ni litobolo mwa liteka za hae, inza bata mutu fa manganandila, yo akona kupancisa booko bwa hae. Mi kiñi ze ezahalile? Zazi leliñwi atalima mi alumela kwa Bupilo. Mi ataha cwalo. A latelela mikopano yaka. Mi mutu wateni, ha sa kona neba kuipanjeza, mi aina ni kulobala mwa macacani kwatuko a tende, inza shwa tala ni linyolwa. Mi zazi leliñwi Moya o Kenile wa taha. Oh, muzwale waka wa ku cinca, nji cwani? Wa tisa Bupilo, ni kuisa lifu kwahule. Sitoyo sa zwa, mi lilato la taha mwateni. Oh, mawi! Toyano ni lindwa kaufela za wa; Bupilo bobunca bwataha mwateni.

Mutalime fa ku babañwi ni babañwi, babañwi ni babañwi, ni kwande ona kwani. Oh, milangu ya tabo ya Lihalimu yalila! Balikani, hakuna mukwa o ni kona kulibulela ka ona.

¹⁶⁷ Muteeleze, kuli Ni siye taha ye, haiba mu lumezi bupaki bwa ka, ka kuba mutanga wa Kreste, mi ni likile ku mibonisa mwa Bibeze ya Mulimu kuli li lukile. Mi haiba manzwi aka abonahala kuba amanca ka taba yee, mutalime siswaniso seo mwa lifasi la za sayansi. Mutalime muselo, kuli Siita sa Mulilo se ne si etelezi Bana ba Isilaele, mutalime muselo o Si beya. Mubone ze Si eza, zeo Si bulela.

Ha ki na ya bulela; ki Yena ya bulela ka wena, mwa bona. Ha ki na yabona pono; ki Yena ya bulela ka wena. Ha ki na ya folisa bakuli; ki Yena ya li ku wena, kiyena ya folisa bakuli. Ha ki na ya kutaza; Na ni lipyeha le li siyalezi hahulu, mi na matanga kwa maikuto ona ao, kono ki Yena ya bulela mwateni. Ha ni zibi Linzwi; kono Yena wa Li ziba. Kona cwalo. Kona cwalo. Kona mo liinezi cwalo.

Mi ki Yoo foo. Mi Lingeloi leliswana la Mulimu liteni ona mwa muyaho moo busihu cwana. [Muzwale Branham ungongota fa katala—Mu.] Oh, mo Ni Mu latela!

¹⁶⁸ Cwale ki ba bakai baba tabela kuamuhela Moya o Kenile? Lunge tatubo ya bupilo bwa luna. Ki ba bakai baba si ka U amuhela kale, kono ba bata ku amuhela? Munanule mazoho a mina, muli, “Muzwale Branham, kwatasi a pilu yaka, Ni bata ku amuhela Moya o Kennile.” Mulimu ami fuyole, kai ni kai.

¹⁶⁹ Ki ba bakai ba mina baba U amuhezi, mi mutabela kuzamaya sina mo ne ba ezelize mwa Likezo 4, ni kubulela kuli, “O Mulena, O Mulena, otolola lizoho la Hao kwa kufolisa, ni

kubonisa lisupo ni ze komokisa ka Libizo la Mwana Hao ya kenile Jesu, mi u ni fe bundume kaufela ni lilato, bwa kubulela, ni kutaliswa sinca”? Eeni, ki wa na, nina. Mulimu, aku ni fe Ona.

Ha lu inamiseñi litho zaluna, mwa butungi bwa kusepahala, mutu kaufela uswale takazo ya hao mwa pilu ya hao.

¹⁷⁰ Mulena Jesu, lu kwala mukopano omunyinyani wo busihu cwana, kasamulaho wa kukopana kupotoloha Linzwi ni Moya o Kenile. Ka Mwa lu fuyolezi ni kusululela mwa lipilu za luna oli ya Linzwi la Hae! Kuna ni bakutazi, kuna ni baana mo be ne bali ba misebezi kaufela ya bupilo, baba tatubile ni kubona kuli Mulena ki yomunde. Lwa ziba zeo Moya o Kenile uli sona cwale, sepiso ya Mulimu. Ki Bupilo Bobusafeli ku ba bañata baba lumezi.

¹⁷¹ Mi lu ziba kuli Moya o Kenile neli Moya wa Jesu Kreste ono lumezwi kutaza, mi U inzi ku luna kacenu. Sina Mulimu fahalimu a luna, mwa Siita sa Mulilo sani; mi Yena a zamaya ni luna, mwahali a . . . mubili o no bizwa *Emanuele*, “Mulimu ni luna”; mi cwale Upila ku luna, ka Moya o Kenile, Mulimu ku luna. Oh!

Jesu ali, “Ka lizazi lani mu ka ziba kuli Ni inzi ku Ndate, ni mina muinzi ku Na, ni Na ku mina. Muka utwisisa ka lizazi lani. Kakuli, u mwa lifasi la lififi, inge kubulela kuli, cwale, kono ka lizazi mu ka utwisisa.”

¹⁷² Ndate, ne li si ka eziwa patalaza ni kupetahala, kakuli linako zeo haluna kuba ni lika za kuba ni tumelo kuzona. Kono misebezi ya Mulimu kaufela i zamaiswa ki tumelo. Mi ka tumelo mwa Linzwi la Hao, mwa ponahazo ya Moya o Kenile o luziba kuli utemo mo cwale, Ni kupa kuli moyo kaufela o lapile mwahali mo utaliswe ka Moya o Kenile. Bona baba sina Ona, mi ba na ni tala ya Ona, muhupule fela . . . Lu ka ambola kubona, Mulena, sina mo no bulelezi ha No ize, “Muna ni mbuyoti ha muna ni tala ni linyolwa. Kakuli mu ka kuliswa.” Yeo kona sepiso. Mi mane ki mbuyoti kuba ni tala. U fuyozwi neba kuziba kuli Mulimu u ambozi ni wena, kakuli I bulezi kuli, “Hakuna yakona kutaha ku Na konji ha bizizwe Ki Ndate pili.”

¹⁷³ Mi, Mulena, babali ba kale moo, ba nanuzi mazoho abona. Nina ni nanuzi laka. O Mulena, ulufe kutiya, ulufe Mata kuli lu otolole lizoho la Mwana Hao ya kenile Jesu, kuli lisupo ni ze komokisa likone kuezahala, kuli ikone kuba bulumiwa bo bu tungile, nto yetuna kufita yekile ya ezahala fateni. Lufe bundume ni lilato, kuli lubulele kwa sicaba. Lumeleza cwalo, Mulena. Ba ni luna mwa lika kaufela, lu kupa ka Libizo la Jesu.

¹⁷⁴ Mi kamuso busihu, Mulena, ku yo taha moya omutuna wa liñungwa omata, oka suluhela mwa muyaho moo, kuli ibe fela sina Lizazi leliñwi la Pentekota. Mutomo u so yalilwe. Kaufela li lukile. Likomu li bulailwe, lipoho li tabilwe, litotolo li tabilwe; tafule ya silyela i tomilwe, lindumeleti li memilwe. O Mulena,

luma tabo ya Pentekota, kamuso busihu, kutaha mwa muyaho
woo, mi utaze moyo kaufela ka kolobezo ya Moya o Kenile.
Lumeleza cwalo, Ndate. Lu kupa ka Libizo la Jesu. Amen.

. . . luka ituta lika zeñata,
Lu ka yona ni harepa ye ezizwe ka gauda,
mwendi ya mihala ye eza sikiti;
Lu ka yo opela ni kuhuwa mane kubina,
Ngunyana uta takula miyoko yaluna;
Lukaba ni hae- . . .sunda yetezi ya kukutela
kwa hae, myaha yapili ye likiti zemashumi.
Amen!

Mali amande a Mwana Mulimu Tota atapisize
ni kukenisa
Sicaba sesinde sa Libizo la Hae mi si bizwa
Munyaliwa.
Ni ha si kendiwa ni ku shubulwa faa, zazi
leliñwi Mulena uta zusa
Bona baketwa mwa minyako yani, mi ite ibe
swanelo kamita- . . .



MOYA O KENILE NO FEZWI SIKAMAÑI? LOZ59-1217

(What Was The Holy Ghost Given For?)

MUKOLOKO KAZA MOYA O KENILE

Liñusa le ka Muzwale William Marrion Branham, neli kotalizwe lwa pili mwa Sikuwa la Bune manzibwa, Nulule 17, 1959, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org